


BoEVANGELI BA NAKO EA QETELO

 Kea u leboha, Moena Orman.

Ha re inamiseng lihlooho tsa rōna nakoana joale lentsoeng la thapelo. 'Me re sa inamitse lihlooho tsa rōna, ke a ipotsa haeba motho a le teng mona ea nang le kopo e ikhethang a ka ratang ho e tsebisa ka letsoho le phahameng? Morena o bona lintho tsena, ke tiile. Ho tšepa A tla e aba.

² Ntata rona ea Maholimong, re phuthehile hoseng hona e se ka morero o mong haese ho tlotlisa Lebitso la Morena oa rona Jesu. 'Me re U leboha ha re se re utloile Boteng ba Hae. 'Me re khotsoe hoba O kopana le rōna, hobane ke tšepiso Hae, ho re “Moo ba babeli kapa ho feta ba phuthehileng ka Lebitso la Ka, Ke tla ba har'a bona.” Joale, re tla kopa mahlohonolo a Hau, Morena, holima likopo tsena tsohle kajeno seo se tsebjoa joale ka ho phahamisa matsoho. U tseba se neng se le tlasa letsoho leo, ka pelong, 'me ke U rapela ho arabela e mong le e mong.

³ Re U leboha kajeno ka monyetla oa ho U khumamela. Re U leboha ka kereke le ka batho le ka baena ba Tumelo e le 'ngoe e theko e thata. 'Me joale re U kopa ho re fa litakatso tsa pelo ea rona kajeno, ke hore, ho U sebeletsa. Re fepe ka Manna ao a patiloeng ao U itseng, ka Bibeleng, a abiloeng, a neng a boloketsoe boprasta feela. 'Me re rutoa hoba re baprasta ba Molimo, re hlahisa sehlabelo sa moea, ke ho re, litholoana tsa melomo ea rōna, ho lebisisa thorisano ho Lebitso la Hae. Joale, re U rapela ho re hlohonolofatsa karolong e tsoellang ea tšebeletso ena, ho re ngoathela Bohobe ba Bophelo. Ka Lebitso la Jesu. Amen.

⁴ Ke thabetse ho bona lelapa la rona le lehlo le boile hape hoseng hona, le ho thabela ho ba mona le lona. 'Me, hape, baeti ba jakileng likarolong tse fapaneng tsa naha, ba phuthehang le rona hoseng ha Sontaha, ba teng mona. Ha re na mokhatlo oa bolumeli. 'Me re phutheha feela, batho ba lumelang ho Molimo ba phutheha 'moho ho rapela Morena 'moho, le ho hlahisetsa Molimo lithapelo tsa rōna, ho ipolela ho Eèna. 'Me Sontaha ka seng le letsatsi ka leng re feta pelekatori, ke ho re, ho hloekisa meea ea rōna ka Moea o Halalelang oa Hae, ho tloha libeng tsa rōna, ho leka ho phela ka borapeli kamoo re tsebang mongoaheng ona oa joale, ho shebella ho hlaha ha Hae nako efe. 'Me re shebeletse hoo nako efe.

⁵ Joale, kajeno re tšoere e—e lenaneo le lehlo. Re na le litšebeletso tsa rona tsa sekolo sa Sontaha mona hoseng hona,

'me hape bosiu ng bona re na le e—e lenaneo le ikhethileng haholo bosiu ng bona. Motsoalle oa ka ea lokileng, Moena Joseph Boze, etsoe, ha se moeti mona le rona, empa ke kholoa e le khetlo la pele a re etela kerekeng. Ke . . . Haesale ke ena le likereke tse peli lefatšeng lohle tseo ke li tsamaeang, tseo kamehla ke li bitsang “mohlala oa likereke,” 'me e 'ngoe ea tsona e ne e le Moena Joseph Boze, Kereke ea Filadelfia mane Chicago, Illinois, 'me e 'ngoe e le Moena Jack Moore, Shreveport, Louisiana. Ke etetse likereke tseo haholo ho fihlela ha ke fihla hae ke tsoa maetong a boromuoa motho o re, “U se ke ua letsetsa Jeffersonville ho lata Moena Branham, letsetsa Chicago feela. Haeba a le sieo mono, be, le ka letsetsa tlase Shreveport.” Ke bile mono haholo hakana.

⁶ Joseph o tlohile Chicago. Ea roba lipelo tsa rona, pele, hoba re nahane a loketse ho falla Chicago, empa ka mora thapelo ra fumana e ne e le Molimo o mo bitsang. 'Me motsoalle e monyenyanane enoa oa ka joale o hotelitse mosebetsi o moholo Tanganyika le Kenya le Uganda, 'me o etsa mosebetsi o moholo. 'Me re utloa ho mo tšehetsa ka mokhoa ofe oo re ka o khonang likopanong tse. 'Me ke ntse ke lotho, haeba e le thato ea Molimo, Pherekhong ena e tlang, ho ba le eena likolong tsa hae ho haola Afrika eohle mono, re sa kena Afrika Boroa ho tsoa likolong tsa hae. 'Me o tla le bolella haholoanyane ka eona bosiu ng bona ha a bua le kereke. O tla be a bua thapama ena—ena nka re, ke a kholoa e ka ba hora ea borobeli, hang hoba lilelekela li fete. 'Me hape o na le filimi eo le tla thabela ho e bona, ke a kholoa. 'Me filimi eo ke ea likolo tsa hae Afrika, le seo Morena a mo etselitseng sona lilemong tse 'maloa tse khutšoane feela. E nkhothatsa haholo ho bontša seo . . . ho bona filimi, hoba e bontša seo Molimo a ka se etsang ka motho a le mong ea tla fumana thato ea Hae le sebaka. Ka mora ho ema lilemo ho e fumana, a ntano tsamaea tseleng eo Molimo a mo tataisitseng ho eona. Tlisang bana, karolo ea pele ea eona ke karoloana e nyenyane haholo.

⁷ Joaloka ha le tseba, Joseph, bongata ba lona, o hlile o a qabola. 'Me kea kholoa o hopotse ke tla be ke shebile setšoantšo sa hae, eaba o tsoa bosiu bo bong a batla ho katlatsa tau. Koana Afrika, litau li ngata. Eaba Joseph o tsoa a katlatsa tau. 'Me ka e hopola e le ntho e ntle ka ho fetisisa. Hoba bommè ba bolae nyamatsana, 'me ba jele e—e phoofolo, o ne a rutla letlalo. 'Me leseanyana la eona le latetse ka morao, le leka ho etsa eka le e bolaea hape, le a bona. 'Me ke kholoa bathoana ba tla thabela hoo, kea kholoa, metsotso e mehlano kapa e leshome ea eona qalong ea filimi. Joale, tloong ka nako.

⁸ 'Me ha ke eso koptjoe ho bua sena. Ha ke batle ho se bua. Joseph ha a tsebe letho ka eona. Empa ke nahana bosiu ng bona re tla bontša Moena Joseph kananelo ea rona ka ho mo abela monehelo oa boromuoa ba hae mose ho maoatle. Re lumela Morena Jesu a etla. 'Me—'me haeba u bolokile monehelo oa

boromuoa, kapa ntho e itseng ea baromuoa, kapa se seng seo u ratang ho se etsa, seabo ho seo, ngolla cheke ea hau ho Joseph B-o-z-e, bakeng sa bosiuong bona. B-o-z-e, ke hantle, ha ke re? Joseph Boze. 'Me ke . . . Ke tseba Moena Joseph joaloka motsoalle oa ka ea haufi, oa sebele, le ho tseba e tla ea 'Musong oa Molimo, ka bokhoni ba tsebo ea hae ho Oona.

9 'Me, ka hona, pele re tsoelapele, ke rata ho tsebisa le ho mo lumella ho bua lentsoe mona. Ka lekile ho mo nkisa tšebeletso ea hoseng, 'me a hana ho etsa joalo, ka baka leo o tla bua le rona bosiuong bona ka hora ea borobedi, nako efe feela eo a e lakatsang. 'Me k'hamera e tla hlongoa, le lesira mona, bakeng sa setšoantšo. Empa hona joale ke rata ho bolella kereke, le ho tsebisa kereke motsoalle oa ka ea lokileng le moena, Joseph Boze. Moena Boze.

[Moena Boze o bua metsotso e robong—Mohl.]

Ke a u leboha, Moena Joseph, ho hotle haholo. Morena a hlohonolofatse. Enoa ke moSweden le moIreland, 'moho. Molimo a u hlohonolofatse, Moena Joseph. Ke u leboha ka lithoholetso tsa hau, Moena Joseph. Eona, le 'na nka rialo ka eena. Ke leboha Morena haholo ka mosebetsi oa hae o moholo o tsoeletseng Afrika, 'me o tla le bolella haholoanyane ka eona bosiuong bona.

10 'Me joale kea kholoa Billy o tsoile a mpoella ho lata Moena Neville kapa motho e mong. . . Eona e—e melumo ha e a loka hantle haholo ka morao. Kapa mohlomong. . . Na le utloa morao moo hantle? Che, ha ba utloe hantle haholo. Na u ka hlophisa machini?

11 'Me kea lumela, re sa mo emetse ho etsa hoo, Kea kholoa motsoala oa ka, Donna, o na le nthoana. . . eena le Teddy ba na le mothoana mona eo ba batlang ho mo khethela Morena. 'Me ka hona, Donna, ha u ka tlisa mothoana enoa joale, khele. . . 'Me, ha re boneng, khaitseli pianong o kae, seletsi, na o teng?

12 [Moena Edgar Branham o re, “Sebelisa o mong oa limaeke ka lephakong, moratuo.”—Mohl.] Ona mona? [“Ke botle.”] Ho lokile, monghali. [“O mong oa eona o tla fihla.”] Ho tla itokela. Ho lokile. Ke ne ke. . . Ke ne ke le tulong e phoso. Ke nahana hore ke ne ke le tulong e phoso.

13 Joale, re bina sefelanyana seo ka tloaelo re se binelang mathaka a manyenyane nakong ena, ke ho re, “Ba tliseng, tlisang ba banyenyane ho Jesu.” Joale ka hara. . .

14 Likereke tse ngata li fafatsa bathoana bana, 'me ho itoketse ha ba batla ho etsa joalo, hoo ho itoketse ho latela tsebo ea ka. 'Me ba bang ba na le litsela tseo bona, mohlomong, eo ba e bitsa kolobetso, 'me ha ba batla ho bitsa seo kolobetso ho itoketse, ho ea ka 'na.

15 Empa Mangolo ke seo re lekang ho se sala morao kamoo Bible e se buang, ho lula feela Lengolong. Ha ho sebaka

Bibeleng, Testamenteng e Ncha, empa ba tlisa bana ba banyenyane ho Jesu 'me A ba hlohonolofatsa, le ho re, "Lesang bana ba tle ho 'Na, hobane 'Muso oa Leholimo ke oa ba joalo." Joale, re e sebetsa joalo. 'Na le molisa re ema mono, re nka mothoana eo re hlahisa thapelo ea khethelo ho Morena. 'Me etlare ha ba . . .

¹⁶ Re utloa lesea le se na sebe, haese sebe sa lona seo le tsoaletsoeng ho sona. Bohle re tsoaletsoe sebeng, re bopetsoe bokhopong, re tlile lefatšeng re bua mashano. 'Me, joale, mohlala Jesu a na a shoa Kalvari, O tlositse libe tsa lefatše. Joale lesea ekaba le tsoetsoe, kapa le ka be le shoele pele le tsoaloa; kapa ho tsoaloa le pele le fihla lilemong tsa boikarabelo, ha le na libe. Jesu o tlositse libe tsa lefatšhe. Empa hoba le hole ho lekana 'me le etse sebe, le tlameha ho ipolela libe tsa lona le ntano kolobetsoa tsoarelong ea libe tsa lona, u a bona. Empa joale, ehlile, o mocha haholo.

¹⁷ Joale, ha re bineng sefela sena sa khale se monate joale, rea bina joale. Ha ke tsebe haeba nka se phokola kapa che.

 Tlisang . . . kahare, ba tliseng,
 Ba tliseng ho tsoa lithoteng tsa sebe;
 Ba tliseng, ba tliseng,
 Tlisang ba banyenyane ho Jesu.

¹⁸ Lebitso la hae ke mang? Teddy, Junior. Ho lokile, monghali. Re thabetse ho bona banyalani ba bacha bana mona hoseng hona le Teddy e mocha enoa ea khabane mona, le ho rapela Molimo ho mo hlohonolofatsa ka ho khaphatseha, le ho mo fa Bophelo Bosafeleng lefatšeng le tlang ho tla, le bophelo bo bolelele mona. Na nka mo nka motsotso feela? Enoa ke Teddy Arnold e mocha. Bohle re tseba Teddy mona, ke oa rona . . . moena mona kerekeng, o nyetse morali oa moena oa ka mona, Donna. 'Me ba na le thakanyana lena mona, moeti e mocha. Ho nahana enoa ke oa hau oa bobeli. 'Me e mong ke ngoanana e monyenyane, na ha ho joalo? Ke mothoana ea shebahalang a khanya. Ke lula ke tšaba hore ke tla ba pshatla ha ba fihla ba le banyenyane, eka ba—ba, ke tšaba hore ba tla robeha.

¹⁹ Joale na le ka nahana ka 'mè ea tlisang mothoana oa hae tjena ho Morena Jesu? Holane A le teng mona hoseng hona, motho ea kang rōna ba emeng, 'mè enoa a ka titimela ho Eèna kapele, a batla hore A bee matsoho a Hae holima lesea lena le ho le hlohonolofatsa. Pelo ea ntate e ne e tla tlola ka thabo. Re a tseba Molimo oabetse kopano ea bona hona 'me ba batla ho le busetsa ho Molimo ka likananelo ho Eena ho ba fa lona. A re inamiseng lihlooho tsa rona.

²⁰ Ntata rona ea Maholimong, re leka ho latela mohlala oa Hau. Mohla bommè le bontate ba tlisang ho Uena bana ba banyenyane, O ile oa bea letsoho la Hau le ho ba hlohonolofatsa. 'Me joale, Ntate ea Maholimong, banyalani ba bacha bana ba

hlohonolofalitsoe lapeng la bona, ka ho amohela moshanyana enwa, Teddy Arnold e monyenyanane, Junior. Ka baka leo re a rapela, Ntate ea Maholimong, hore mahlohonolo a Hau a lule holima ngoana. Re le bea matsoho sehopotso sa Hau le tšepiso ea Hau ho rona, re tle re behe batho matsoho sehopotso sa Lentsoe la Hau le lehlo. Hlohonolofatsa Teddy e monyenyanane. Molimo, re U rapela ho mo fa bophelo bo bolelele, katleho 'meleng. A ke a phelele ho bona ho Tla ha Morena, ha ho ka etsoa. 'Me re rapella ntatae le mmae, ba ke ba hlohonolofale ka ho holisa ngoana enoa. 'Me haeba hosane ho le teng, mo etse moreri, Morena, oa Evangeli, le ho mo nea lintho tseo U li tšepisitseng morabe oa batho, a tle a fumane bophelo, le Bophelo bo khaphatsehlang. Re U nehela joale, Teddy Arnold e monyenyanane, ka Lebitso la Jesu Krete. Amen.

²¹ Molimo a u hlohonolofatse, Donna le Teddy, bophelo bo bolelele le mahlohonolo a mangata; le ho uena, Teddy e monyenyanane, hobane O a u rata.

²² Oh, ke ba hopola ba le batle haholo, ke...mathaka a manyenyane. Ke rata batho bohle, empa ke nahana bana 'me, hape, batho ba holileng, ha u tsofala. Monnamoholo ea itseng kapa mosalimoholo o theohile ka tsela, 'me o fokola haholo, 'me ke ba hopola ba batla ba haula, le a tseba, 'me ke hopola re sa tlameha le ka mohla...Ho ba bona ba parola seterata, ema. Holane e ne e le ntatao kapa 'mao? Ua bona? Ke ba motho e mong, ba hlomphe ke hona. 'Me mohlomong ba bua butle le nako e telele, 'me mohlomong lintho tseo u sa batleng ho li utloa, empa, hopola, u ka tsofala, le uena, tsatsi le leng, ka hona ba hlomphe kamehla.

²³ 'Me mathaka ao a manyenyane, ke mang ea ka tšoarang e mong oa bao hampe? Ebile, ha u a tlameha ho etsa joalo. Lea tseba, Jesu o itse, "Le se ke la nyelisa e mong oa ba banyenyane bana, hobane mangeloi a bona a bohile sefahleho sa Ntate oa Ka ea Maholimong kamehla." Hopolang, ba na le lengeloi. Ha u tsoaloe, le lula le uena bophelo bohle. 'Me joale, ha u pholoso, u na le Moea o Halalelang mohlang oo, 'me O a u tsamaisa o a u tataisa.

²⁴ 'Me joale ke shebile holim'a letšoele ho bona bao ke ba tsebang. 'Me, haeba ke sa fose, ke bona khaitseteli ea tsoang Chicago kantle mona; u batla u utloa u le lapeng, ho emeloea Chicago, Khaitseteli Peckinpaugh le bao bohle tseleng mono. Re thabetse ho bona Moena le Khaitseteli Cox mona hoseng hona; le Charlie, Nellie, kamoo re ba tsebang. 'Me Rodney o teng mona nqa e 'ngoe, kea kholoa, Khaitseteli Cox. Le Moena Willard Crase, e mong oa baena ba rona ba bareri mona. Le ba bangata hakana ba fapaneng bao ke sa khoneng ho ba finyella bohle ho ba bitsa.

²⁵ Ke thabo ho bona Moena Evans le Khaitseteli Evans morao mane. Ke eena monna eo ke le boleletseng a lonngoe ke noha ea

marabe, 'me Morena . . . Na u ka phahamisa letsoho la hau kapa ho hong, Moena Evans, ba tle ba bone ka mono hore—hore e . . . Re ne re tsoasa litlhapi, 'me marabe a mo loma leotong. Le ho bea matsoho holim'a hae le ho mo rapella, 'me ha lea ba bohloko le hona, kapa ha lea hlola le amane le eona ka letho ka mor'a moo. 'Me Bibeletse e boletse, le a tseba, "Ba tla leleka batemona; ba tla hata lihlooho tsa liphepheng le linoha, 'me ha ho letho le tla ba etsa hampe; le—le ea bona . . . ka Lebitso la Ka, ba lumelang ho 'Na," seo matla 'ohle le seo ba tlang ho se etsa, le joalo-joalo, re se neiloe hona. Hape, haeba u sa tšabe feela!

²⁶ Ho ka thoe'ng haeba motho a ka u fa cheke 'me a ngotse lebitso le saennoeng ka tlase ho eona, 'me ha u suntse cheke eo mokotleng oa hau bophelo bohle ba hau, e—e ke ke ea u thusa ka letho. U tlameha ho e ananya. Ka hona, tšepiso e 'ngoe le e 'ngoe ka Bibeleng e ngotsoe Lebitso la Jesu katlase eona. Banka ea Leholimo e jere boikarabelo, 'me dipositi li entsoe Kalvari mohla libe tsa rona li neng li tšoarelola, re entsoe bara le barali ba Molimo. 'Me ka baka leo u se tšabe ho lefisa neo efe eo Molimo o e tšepisitseng. Hopola feela, O e tšepisitse 'me ke ea hau.

²⁷ Ke 'Mone a emisa malakabe a mollo, a emisa mali, a tima bohale ba—ba liabolosi, le ho leleka lira, le ho folisa mofetše, ho tsosa bafu mohla ngaka e emeng mono, ba shoele lihora le lihora, ba tsohele hantle bophelong hape. Ke e bone bosebeletsing ba ka bo fokolang, nako ka morao ho nako le ka morao ho nako. Ka baka leo ke bone liphoofolo tse hlaha di thapile ho fihlela li sa sisinyeha, le lintho tsohle. Ka hona O mpa feela . . . E sa ntse e le Molimo. O . . . Haeba E kile ea eba Molimo, E sa ntse e le Molimo. 'Me haeba A—'me haeba A sa . . . 'Me haeba E se Molimo, E ne e se Molimo le ka mohla, hobane O ne a tla lokela ho ba . . . Ho ba Molimo, O ne a tla tlameha ho hloka pheletso, O tsebile lintho tsohle, O tlameha ho ba matlaohle, bonatlabohle, motsebatsohle, motlalahohle. 'Me, oh, Ke Molimo feela! Phetheho ea phetheho ke Molimo.

²⁸ Joale, ha ke a ikemisetsa, ka linako tse ling ha ke ruta ditelase tsena tsa sekolo sa Sontaha e ka ba hora ea bone, Joseph. Mona Lisontaha tse 'maloa tse fetileng, ke lutse mona lihora tse tšeletseng. Ha ke batle ho le tšosa, lea bona. Empa—empa ha ke a ikemisetsa hoo hoseng hona; tse hlano le halofo feela. Che. Sena feela . . .

²⁹ Nka tšoha ke sa be le lōna nakoana joale, re nyolohela Virginia, kapa holimo Carolina, le Carolina Leboea le Boroa, le ho ea Lebopong la Bophirima, le holimo Lebopong la Bophirima, le ho kena Canada le Alaska, le ho khutla. 'Me mohlomong, ha Morena a ratile, ho ea koana Afrika le ho bona Joseph, le ho thehela Afrika Boroa hape.

³⁰ 'Me ha se khale haholo ha ke ne ke tšoere kopano e kholo Afrika Boroa, mohla e fetotseng tsela eohle ea Afrika lihoreng tse

'maloa feela, mohlola Molimo, ka mohlolo oa Oona feela, maqephe a pele a likoranta a neng a tletse litaba, kaofela leqephe la pele le labobeli le laboraro ha ho letho haese feela lihlooho tse mabapi le liboka. Ho qala ho kena moo feela, ba theola monoana, ba sa tšelle le motho peterole hobane a ne a e-ea kopanong, ba sa mo rekisetse eona, ho re, "Lehlanya lefe feela le kang leo!" 'Me tsatsi le hlahlamang, ba ikemiselitse ho mo tšella mafura mahala. Le a bona? Ka hona phapang ke eo, le a bona. Ke a . . . Ntho e a etsahala. A ntse a phathatsa lelinyana mono, le a tseba, 'me a re ho eèna, ho re, "U ea kae?"

A re, "Ke theohela Johannesburg."

Ho re, "Oh, na u rakhoeb?"

³¹ Ho re, "Che, ke theohela ho bona Moena Branham, kopanong."

³² Ho re, "Eng?" Ho re, "U shebahala u le monna ea bohlahe ho feta moo."

³³ A re, "Be," ho re, "Ke Mokreste. Ke tla theoha ho ea e bona."

A re, "Khanna u ee sebakeng se seng 'me u fumane mafura a hau."

³⁴ 'Me ka hona letsatsi le hlahlamang, ha ke khutla, keha e le eona feela khefutso lipakeng tsa mono le Transvaal, ka hona a tlameha ho feta le mono, 'me a ema seteisheneng se latelang katlasana ho moo. 'Me thaka leo la matha la mo bitsa, ho re, "Nyolohela koano. Nyolohela koano." Maqephe ohle a kapele a lipampiri keha le maqephe a bobeli, le joalo-joalo, a tletse eona, seo Morena oa rōna a se entseng. 'Me re lebohela hoo haholo.

³⁵ Joale, bakeng sa ka kopanonyana feela, mang kapa mang oa lona, le late metsoalle ea lona, re tla ba Cow Palace joale. Ke pontšo e kholo ea liphoofole, ea liphoofole tsa bophirima Lebopong la Bophirima, mane South Gate. Ka hona bang ba lona mathaka a kang 'na, ba ratang lithunya, ke feta hara Weatherby Factory mono, le ho tsamaea le 'na ha u rata, haeba u le haufi le teng. 'Me ba kena libakeng tse ngata motšehare, u ka ea Catalina Island, le tseba kamoo ho leng kateng. 'Me lona banna, basali ba nang le tsa ba lona ba banyenyane, Disneyland. 'Me ke e mong oa litho tsa sehlopha, le eena, ka hona tloo feela. Uena, ke a tseba u tla nyakalla. 'Me, holim'a tsohle, le rapele Molimo ho tutubolla mahlo a bomosalumele le ho sokollela batho ho Kreste.

³⁶ Joale re tla bala Mantsoe a 'maloa feela Bibeleng mona, hoba ke rata ho etsa sena. 'Me hape ke ngotse Mangolo a 'maloa fatše mona, ka mona, le ntlha eo ke batlang ho e ruta hoseng hona, metsotso e 'maloa, ho hopola tšebeletso ea bosiu bona. 'Me hape ke rata ho le bolella sohle se hlahlileng vekeng ena lipuisanong tsa poraefete, le joalo-joalo, empa ha ke na nako. 'Me ke bona ba bang ba bona ba lutse mona hoseng hona, ba ntseng ba emetse lipuisano tseo, ho tsoa ka ntle ho motse. Re tla leka ho li finyella

vekeng ena, kapele kamoo . . . ho leka ho finyella sohle se emeng mona, le hona, pele re tloha.

³⁷ Joale re batla ho phetla Lievangeling, ho Mareka 16, khaolo ea 16 ea Santa Mareka. 'Me sehlooho sa ka kajeno, sa sena, ke *BoEvangeli Ba Nako Ea Qetelo*. 'Me ha re qaleng ho bala ho Mareka 16, nka re temaneng ea 14.

'Me hoba a ithlahise ho ba leshome le motso o mong ba lutse lijong, a ba khalema ho se lumele ha bona le bothata ba lipelo tsa bona, hobane ha ba ka ba lumela ba 'moneng hoba a tsohe.

A re ho bona, E-eang ka lefatše lohle, le bolelle 'mopuo a e mong le e mong evangeli.

Ea lumelang a kolobetsoa o tla bolokeha; . . . ea sa lumeleng o tla tsuoa.

'Me mehlolo e tla tsamaea le ba lumelang ke eona ena; Ka lebitso la ka ba tla leleka batemona; ba tla bua lipuo tse ncha;

'Me ba tla tšoara linoha; 'me ha ba ka noa ntho e bolaeang, e ke ke ea ba ntša kotsi; ba tla beha bakuli matsoho a bona, 'me ba tla fola.

Eitse hobane Morena a bue le bona, a nkeloa leholimong, a lula letsohong le letona la Molimo.

Ba tloha, ba bolela hohle, Morena a ntse a sebetsa le bona, . . . a tiisa lentsoe ka lipontšo tse latelang. Amen.

³⁸ Ho ka boleloa tse ngata tabeng ena. Ena ke thomo ea ho qetela eo Morena a e fileng Kereke.

³⁹ Ke . . . ke tsoatsoile ka sheba tlase mona. Ke leka ho nahana . . . Moena West, ke ne ke leka ho hopola lebitso la hau metsotsong e 'maloa e fetileng, ea lutseng mono ho tsoa Georgia. 'Me ha kea hopole lebitso la hau, nakoana e fetileng feela. Moena e mong ea lutseng mono, ha ke hopole lebitso la hae. Le ba bangata ba . . . Ua utloisisa hore ha ke leke ho nyenyefatsa ho tseba motho, empa ba mpa feela . . . Ha ke fumane mabitso a bona ka botsitso kelellong ea ka.

⁴⁰ Joale re nahanne ka boevangeli nakong ea qetelo. 'Me mang le mang ea ka khonang, a ka bala pampiri, 'me a ka bala . . . Sepakapaka se lerootho se fifetse, 'me maru a nyoloha, le—le ho tseba hore re itokisetsa ho fumana pula, re ka e utloa sebakeng, 'me le bone mechaeli e meholo hole koana, le ho halima le ho foka ha moea, rea tseba hore re tla fumana sefefe, pula e tla na haufinyane. Mang le mang a ka bala pampiri ea litaba 'me a bona maemo a sechaba, lichaba, o a eelloa ntho e mothating oa ho etsahala. Ha u bona se seng se koetlile taba khahlano le se seng, le se seng, 'me ba ngangisana, ka libetsa tsa mefuta eohle le lintho tse joalo ho loana ka tsona, 'me ho se tumellano, ba raha ba rola lieta tsa bona 'me ba otlala litafole le ntho e 'ngoe le 'ngoe

libokeng tsa bona, u a tseba ntho e mothating oa ho etsahala. 'Me batho ba batla ba arubetsoa ke maikutlo a reng ntho e mothating oa ho etsahala. Lefatše, kamoo re ka e bitsang kateng, kosmos, lefatše le ka ntle, le utloa hore tšenyeho e a tla, ho ka thoe joaloka mongoaha oa athomo o mothating oa ho qhoma.

⁴¹ Mokreste o a tseba ke ho Tla ha Morena. Le a bona? Atemosefere e teng. E itšetlehile ho seo u se shebileng, hoba Morena oa rona o re boleletse ka ho tiea se tla etsahala nakong eo, 'me ha re tsebe motsotso kapa hora, empa ho tseba hoba re haufi le ho hong hona joale.

⁴² Joaloka ha ke buile nakoana e fetileng mona, ke shebile konyana tsatsi le leng Afrika, e tsoa lesakeng, 'me e ne e—e ne e fula ka khotso, 'me hang-hang ea ferekana. 'Me ka ipotsa bothata ba thakanyana leo. 'Me le a tseba nku ha e khone ho menahana le mehlala ea eona moo e tsoang teng, e lahlehile ka botlalo. Ke ka baka leo Morena a re lekantseng le linku, le a bona, ha re lahlehile, ntho e 'ngoe feela e ka re khutlisang, Molisa. 'Me thakanyana lena le ntse le lla, 'me le ne le lelerile le tsoile lesakeng. 'Me ka lemoha, har'a joang, tlase koana, thakanyana leo le sa e bone. 'Me konyana kapa nku ha e fofonele sera sa eona joaloka e 'ngoe, joaloka khama kapa ntho e kang eo, empa ea—ea utloa hore lefu le haufi. 'Me tau e ne e nyoloha e nanara, e tla ha bonolo. E ka fofonela nku, ka hona ea tla, le a bona, ho tsoara konyana. 'Me mothoana a tšoha, 'me u sa bone lebaka lefe feela, empa lefu le ne le larile haufi hoo a bileng a tšoha.

⁴³ 'Me e—e lefatše le maemong a methapo hona joale ba khanna ba theosa seterateng ka limaele tse mashome a robong ka hora, ho lula tameneng ea biri le ho noa lihora tse peli pele ba khutlela lapeng. 'Me ke tlhaselo ea . . .

⁴⁴ Bua le motho, oh, khili, ba phatloha! Joaloka ha ke buile bosiu bo bong tabernakeleng, ka ho ea kokelong kantle mona ho leka ho arabela mehala e meng ea Moena Neville. 'Me nako le nako ha ke qoqa le mooki kapa ngaka, ba ne ba u halefela, "Ha ke tsebe letho ka eona!"

⁴⁵ Be, ka nahana, "Molato ke'ng? E mong le e mong o ntša letšoea feela, ke a khloa." Empa, ngaka, lingaka tsa kelello li alafa lingaka tsa kelello.

⁴⁶ Ka hona, empa tsela ea ho tsoa e teng, ke Krete. Joale, Mokreste ha a lokela ho ba maemong ao. Re loketse ho thaba, re emetse ho Tla, hoba ho haufi. Re utloa moea o pholileng oa Kalvari. Ha re sheba fatše 'me re bona Molimo oa Leholimo le tsona lintho tseo Jesu a li entseng bophelong ba Hae, e tšepisitsoe 'me ke rona bana re a e bona. Ke eng? Ke phefo ea hlasimoloho eo, joaloka pula e tlang. Le a bona? Rea tseba topollo e haufi. Le a bona? Ntho e 'ngoe e mothating oa ho etsahala. Joale, lefatše 'me ha le bone seo. Ba e tšeha joaloka ha ba entse matsatsing a mang. Empa re a tseba e ntse e atamela.

47 'Me ke ka hona ke khethileng temana ena kajeno, lekhetlong la ka la ho qetela tabernakeleng, boevangeli ba nako ea qetelo. 'Me ha re etsa mosebetsi oa boromuoa kapa boromuoa mose ho maoatle, ka Lentsoe la Molimo, rea tseba re lutse thatong ea Molimo kamehla, hobane thomo ea pele ea Jesu ho kereke ea Hae e ne e le "E-eang le bolele Evangeli." Thomo ena ea ho qetela e ne e le ho bolela Evangeli.

48 Khetlo la pele A kileng a tlotsa motho ho rera Lentsoe le ho haola le naha eohle, O itse, "Le folise bakuli, le tsose bafu, le leleke batemona; le fuoe feela, le nehe feela." Santa Mattheu, khaolo ea 10, ho romela ba mashome a supileng, ka bobeli ka bobeli. E ne e le thomo ea pele eo A e fileng Kereke ea Hae.

49 Joale, thomo ea ho qetela A e fileng Kereke ea Hae pejana A amoheloa Khanyeng, O itse, "E-eang ka lefatše lohle." O ne a sa tsoa tsoha bafung. 'Me bongata ba bona bo ne bo lutse 'moho, 'me A ba khalemella bothata ba lipelo tsa bona, ka baka la ho se lumele ha bona, ba sa kang ba lumela ba Mo boneng hoba A tsohe. Ua bona, ba ne ba tšoere bopaki ba hore ba bone Morena. 'Me ba bang ha ba ka ba e lumela, 'me A ba khalema ka baka la bothata ba lipelo tsa bona. Ha ba ka ba lumela batho bana ba boneng hore ha A shoa, "O a phela!"

50 Ho a tšoana le kajeno, ha u bona mosebetsi oa Hae. Joale, re se re bone 'me re paka ho hlaha ha Morena. Joale hopolang, ho hlaha le ho tla ke mantsoe a mabeli a fapaneng, ho hlaha le ho tla. Joale ho hlaha, O se a hlahile matsatsing ana a qetelo. Hantle mona le rōna lilemong tse 'maloa tse fetileng. Joale, ke pontšo ea ho Tla ha Hae. O hlaha ka hara Kereke ea Hae, ka sebopeho sa Moea o Halalelang, ho bontša hore ke Eena, hoba batho ha ba khone ho etsa lintho tsena tseo le bonang Moea o Halalelang o li etsa, ka baka leo ke ho hlaha ha Morena. Joale hopolang, e buile libakeng tse peli tseo, "ho hlaha" le "ho tla."

51 Joale, O ba nyatsitse ka baka la bothata ba lipelō tsa bona, hobane ba sa ka ba lumela ba e boneng. Ke lumela A ka etsa ntho e tšoanang kajeno. Hoba re . . . Ba se ba . . . ha ba ka ba lumela bopaki ba batho bao, 'me A ba nyatsetsa eona. 'Me eaba O ba roma ho ea ka lefatše lohle, ho bolella 'mopuoa e mong le e mong Evangeli, 'me O tla ba le bona ho isa pheletsong, qetellong ea lefatše. "Mehlolo e tla tsamaea le ba lumelang ke eona ena."

52 Joale, kajeno, re leka ho nka Lentsoe le ngoliloeng leo re le fumanang ka sebopeho sa letere, sebopeho sa tumeloana le joalo-joalo, ho ea lefatšeng lohle. 'Me baromuoa ba ile hohle. Empa re fumana'ng ha re fihla mono? Motala ea sa khoneng ho bala lebitso la hae, a tšoere pampitšana letsohong la hae. Ha a tsebe letho ka eona ho feta letsoho le letona le le letšehali. Empa mohla Jesu a ne a re, "E-eang le bolele Evangeli," ha A re "le rute Lentsoe." A re, "Le bolele Evangeli!" "Me Evangeli ha ea tla ka Lentsoe feela, empa ka ponahatso ea Lentsoe," hoba mokhoa

o le mong feela e neng e ka etsoa e ne e le ho phethahatsa tšepiso ea Hae.

⁵³ Thaka le leng le ka e bala joaloka William Jennings Bryan, mohla a neng a ngangisana le Darrow ka makala a boitšoarō a Darwin. Ua bona? A ka bua feela seo Darwin a se buileng. 'Me William Jennings Bryan a ka bua seo Bibe le se buileng. E ne e le khang eo. Empa, lebakeng lena, Molimo o kena hara batho le ho paka hore Lentsoe la Hae le bonahalitsoe. 'Me mokhoa o le mong feela u ka etsang hoo, ha se ka pampitšana, empa ka Moea o Halalelang o sebetsang ka uena. Bophelo ba hau bo fetoha bophelo ba Hae. O ka ho uena.

⁵⁴ Bahetene, enereha ba rapela seseto sa bona, ba namalla pela seseto, le ho lumela hore molingoana o ne o khutla o buisana le bona, molimo oo, molimo oa bona o ile oa retoloha, oa kena ka har'a seseto sena oa boela oa bua ka bona. Joale, hoo ho khahlano feela, ho phethola seo Molimo o leng sona. Molimo ha o sebetsa le liseto. Ke uena sesebelisoa sa Oona. U namalla pel'a Molimo, 'me O kena ka ho uena le ho bua le batho. Ke eona phapang. Ke Molimo o phelang bakeng sa motho ea phelang, e seng Molimo o shoeleng ho seseto se shoeleng. Ke Molimo o phelang ho boleng bo phelang. 'Me le fetoha lipaki tsa Hae, seo A se buileng mona.

⁵⁵ Ke hona joale, lemohang, batho ba bangata ba re e ne e etselitsoe baapostola feela. O boletse mona, "E-eang ka lefatše lohle le bolelle 'mopuoa e mong le e mong Evangeli ena, 'me" (lekopanyi) "mehlolo e tla tsamaea le ba lumelang ke eona ena."

⁵⁶ Joale, kajeno, re re setho se lokileng sa kereke se tsukutla matsoho le molisa, ho ngola lebitso la hae ho tsoa ho Methodise ho ea ho Baptise, kapa Baptise ho ea ho Methodise, kapa joalo-joalo, le ho phela bophelo bo lokileng haholo. Joale, rōna baromuoa, re bona bahetene bao ba phela bophelo boo Maamerika ana, ba bitsoang Bakreste, bo ne bo ke ke ba bapisoa le letho. Le a bona? Ka hona haeba bophelo bo botle e le phetho se bohlokoa, ba bolokehile joaloka ba bang bohle, ka seseto. Maitšoarō a bona a ka re pupetsa hofihlela re sa fumane monyetla oa ho ema pontšeng ea bona, ke hantle, le liketso tsa bona. Empa ha se eona.

⁵⁷ Jesu o itse, "U tšoanela ho tsoaloa labobeli." Ho ka tsoaloa labobeli, ke ho ichoella le ho shoa, 'me Moea oa Krete o kena ka ho uena. Haesale uena; ke Krete ka ho uena, ua bona, Moea o Halalelang. Pauluse o itse, "Ke shoa letsatsi ka leng; koana leha ke phela, ha se 'na, empa Krete o phela ka ho 'na." Ua bona, Krete!

⁵⁸ 'Me ha nka le bolella hore moea oa John Dillinger o ahile ka ho 'na, ke nka lithunya mona 'me ke be molotsana, hobane e tla be e le oa hae—moea oa hae ka ho 'na. Ha nka le bolella hoba moea oa setaki, le ka lebella hore ke take setšoantšo sa setaki.

⁵⁹ Ha ke u bolella hore ke Mokreste, 'me Moea oa Kreste o le ka ho 'na, kapa ka ho uena, eba re etsa mesebetsi ea Kreste. Jesu o boletse, ho Santa Johanne, "Ea lumelang ho 'Na, mesebetsi eo Ke e etsang o tla e etsa le eëna." Eaba O bua mona, "Mehlolo e tla tsamaea le ba lumelang ke eona ena."

⁶⁰ Joale, ho haola le mongoaha, ho hlahile mohla lipontšo tsena li sa lateleng balumeli. Ke hantle. Moporofeta o buile ka eona, 'me o buile ka eona koana ho Zakaria, o itse, "Ho tla fihla nako e ke keng ea bitsoa motšehare kapa bosiu, empa leseli le tla chaba nakong ea mantsiboea."

⁶¹ Joale, letsatsi le chaba bochabela le likela bophirimela. Ha le fetohle, ke lona letsatsi leo. Joale mohla Moea o Halalelang o ne o fihla, Jesu, Mora Molimo, O fihlile bochabela, holim'a batho ba bochabela. Ebile letsatsi . . . ha le ntse le haola, tsoelopele e haotse le letsatsi, ho tsoa bochabela ho ea bophirima, 'me joale re Lebopong la Bophirima. Ha re ka tsoela pejana, re khutletse bochabela. Ka hona, be, ntho e 'ngoe le e 'ngoe e supa ho Khutla ha Hae. Re nakong ea qetelo. Ntho e 'ngoe le e 'ngoe e supa hoba ho felile.

⁶² Joale, joale moporofeta o boletse ('Me ha ho boporofeta bo ka etsoang, ba boithalasetso ba motho, joalokaha Jesu a boletse; Ke hantle feela seo E se buang.): "Leseli le tla chaba mantsiboea." Ka hona Mora ea theohetseng holim'a batho ba bochabela a bontša mesebetsi ea Hae le mahlohonolo a Hae, ho porofetilo e hoba ho tla chaba letsatsi le rothofetseng; e se motšehare kapa bosiu, ke letsatsi le rothofetseng, le kang le moholi. 'Me ha u bone letsatsi, empa letsatsi le chabisa leseli le lekaneng. Ntho e kang e leng teng kantle mono joale, mohlomong ho fifetse hanyenyane. 'Me re fumane ho lekaneng ho ingolisa kerekeng le ho ngola lebitso la rōna libukeng, le joalo-joalo, empa nakong ea mantsiboea ona matla a maholo ao a Kreste a neng a tla thehela holim'a Kereke ea Hae ka oona joalokaha e entse morao mane bochabela. Ka bophirimela ho ne ho tla ba joalo. Ka baka leo ke batla ho bua ka boevangeli ba nako ea mantsiboea.

⁶³ Mongoaha o mong le o mong o fumane molaetsa oa 'ona le baromuoa ba 'ona. Ho haola le mengoaha eohle, mongoaha o mong le o mong o jere molaetsa oa 'ona le moromuoa. Molimo, lekhateng ka leng, o rometse motho ea tlotsitsoeng ka Moea o Halalelang, ho hlahisa Molaetsa oa Hae oa mongoaha oo, nako le nako.

⁶⁴ Joale, re ka qala morao, ho e tšehetsa nakoana feela. Esita le ho tloha tšimolohong, Molimo e ne e le Moromuoa tšimolohong, ho bolella Adama le Eva, "Le tla ja *sena*, empa le se ke la etsa *sena*." E ne e le Molaetsa oo. 'Me motho eitseha a tšela Molaetsa oa hora, o lihetsa lefu le tšenyeho morabeng ohle oa batho. Joale, Molaetsa o bohlokoa hakaalo. 'Me le hopole e ne e se ho latola se tletseng seo Molimo o se buileng, seo Eva a se lumetseng, e ne

e le ho nka seo Molimo a se buileng le ho se soeufatsa, kapa—kapa ho se hlalosa hantle feela hanyenyane, ho ekeletsa ho Lona hanyenyane feela, kapa ho fokotsa ho Lona hanyenyane.

⁶⁵ Ke ka baka leo ke lumelang hore Lentsoe ke 'Nete. Haeba litumeloana tsa rona le liphutheho tsa rona tsa bolumeli li sa bape le Lentsoe ka botlalo, etlaba e fosahetse. 'Me efela ha Molimo o sa lumella, 'me Lentsoe la Oona le le bohlokoa hakana, ho qotsa lentsoe le le leng la Lona ka phoso ho bakile tsohle, lefu ka leng le kileng la etsahala, mahlomola ka mang, lesea ka leng le llang, lepato ka leng, lebitla le leng le le leng mosikong oa leralla, amalanse e 'ngoe le e 'ngoe e kileng ea ngea, mali a mang le a mang a kileng a tšolloa, botsofali bohle le tlala le mathata ao re a fumaneng, kahobane feela Lentsoe la Molimo le baliloe ka phoso, ho bakile sena sohle, na O tla e tšoarela nakong ea qetelo ha re ka Le bala ka phoso hape?

⁶⁶ Ka hona, le a bona, Bokreste ke ntho e bohlokoa. Haeba e qositse lilemo tsena tsohle tse likete tse tšeletseng tsa mathata, ka baka la Lentsoe le le leng le sebelitsoeng ka phoso, joale ha rea tlameha ho khutlela morao ka Lentsoe le leng le sebelisitsoeng ka phoso. E tlameha ho tsepama le Lentsoe hantle, ho se botoloki ba motho, seo Lentsoe le se buang feela! Banna ba bangata ba tla kopana 'me ba re e bolela *sena*, 'me ba tla lumellana, 'me ba bang ba tla bua *sena*. Empa E re, "Ena ke Eona!"

⁶⁷ Haeba Molimo a tla ahlola lefatše ka kereke, e tla ba ke kereke efe? Haeba A tla e ahlola ka sechaba, ke sechaba sefe? O tla ahlola lefatše ka Lentsoe, Bibe. Hoba, "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna." E ne e le Krete, e ne e le Lentsoe la Molimo le entsoeng nama, le builoeng ka motho.

⁶⁸ Joale, Bukeng ea Tšenolo, O itse, "Ekare ha e mong a tlosa Lentsoe le le leng mona, kapa a eketsa lentsoe le le leng ho Eona, le eena o tla tlosa, kabelo ea hae, Bukeng ea Bophelo."

⁶⁹ Ka hona le a bona ha se feela, "Be, ke lumela *sena*, empa ha ke tsebe ka *sane*." U tlameha ho Le lumela lohle. Mohlomong ha u na tumelo ea ho Le emela, empa se leke ho ema tseleng ea motho e mong.

⁷⁰ Ke buile khafetsa ka re ekare nka be ke ruile tumelo, mohla bophelo ba ka bo felileng, ho falla joaloka Henoke, ho se shoe, empa ho tsamaea thapama feela le ho ea lapeng le Molimo. Nka rata ho etsa joalo. Empa haeba ke se na tumelo ea mofuta oo, nke ke ka ema tseleng ea motho ea nang le tumelo ea mofuta oo. Ua bona?

⁷¹ Joale, re nakong ea mantsiboea. 'Me baromuoa ho theoha le mongoaha... Re fumana tšimolohong mohla moromuoa a romeloang, ho—ho hlalosa Lentsoe la Hae ka phoso kapa ho belaela Lentsoe le le leng, e ne e le timeletso e tletseng le

karohano ea Bosafeleng hole le Molimo, ho hlalosa Lentsoe la moromuoa eo ka phoso. 'Me Moromuoa oa pele e ne e le Molimo ka Sebele. 'Me e . . . Moromuoa e mong le e mong esale e le Molimo o buang ka motho, ho tloha mohlang oo, e leng Lentsoe la Molimo, hoba ho se motho eo A ka buang ka eena haese eo A neng a buang le eena. Empa erekaha A entse motho le ho lopolla motho, esale e le Molimo o buang ka motho. Ha A sebelise e—e tšebeliso ea—ea lihlobo tsa machini, empa moemeli oa motho, monna ea inehetseng a ikhethetse Molimo.

⁷² Kamoo re neng re ka e theola ka baporofeta, le Samsone, le ho theoha joalo ho fihlela mongoaha ona oa joale. Esale e le motho ka bomong le Molimo. Joale, mongoaha o mong le o mong, ke boletse, o ne o tšoare molaetsa oa 'ona le moromuoa oa 'ona. Joale re nka mongoaha o mong ka morao ho mongoaha oa Edene, ho haha motheo o monyenyanane feela. Joale, ka mora mongoaha oa Edene ho fihla mongoaha oa Nohe. Joale mohla lefatše . . . re ne re . . . Ke ne ke bua bosiu bo bong tlase tabernakeleng ea Clarksville, ka temana ea pontšo ea nako ea qetelo. 'Me bosiu bo bong, Labone bosiu, ka ho etsoa setlama le Jesu. 'Me joale hoseng hona ka moevangeli oa nako ea qetelo, boevangeli, ntšoare leng.

⁷³ Joale, pejana ho tšenyeho ea moroallo le nako ea moroallo, be, re ba fumana ba ne ba theile tsoelopele e kholo ho feta eo re nang le eona kajeno. Ke lumela ba ne ba laola matla a athomiki. Ke hopola e le sona se sisintseng lefatše mopotolohong oa lona. Nkile ka ema British Ice Fields; ho cheka maoto a makholo a mahlano, ho hlahisa lipalema, moo lipalema li neng li le teng, le makholo a mangata a lilemo tse fetileng. 'Me re a rutoa 'me rea tseba hore lefatše le ne le eme le tsepame. Empa, 'me ba ne ba theile mahlale a joalo a mochini le a joalo ho fihlela ba ka haha piramite, sphinx, le tse joalo, tseo re sa khoneng ho li hlahisa kajeno. Ha re na machini ho phahamisa lipitlahali tseo hole hakaalo, le a bona, haese ha e ka ba athomo; matla a mafura a ke ke a e etsa, le matla a motlakase a ke ke a e etsa. Empa e ne e le mongoaha o mong o bohlašana ho feta mongoaha oa rōna.

⁷⁴ 'Me mongoaheng oo, Molimo oa bitsa monna ea bitsoang Nohe, monna oa tloaelo feela, sehoai, hobane o fumanoe a halalela molokong oa hae. 'Me Molimo oa sebitsana le monna a le mong eo ka temana ea ho "haha areka," hobane, sebe, re ellello hore mehleng eo "Barali ba—ba batho," Bibe e boletse, "ba bona . . . bara ba Molimo ba bona barali ba batho."

⁷⁵ Ho e seka-seka, athe bangoli ba bangata ba nahana hore bao e ne e le bara ba Molimo e leng mangeloi a oeleng a ileng a ikhatella moeng. Ha ke bone kamoo motho a ka nahanang seo. Hoo ho ka le etsa 'mopi, ho etsa Satane 'mopi. Satane ha se 'mopi, Satane ke mosokamisi oa popo, le a bona, tsohle. Leshano ke 'nete e boletsoeng ka phoso feela. Bofebe ke ketso e nepahetseng e sokamisoang. Le a bona? 'Me sebe se joalo hantle. Satane ha a khone ho bopa, o khona feela ho khopamisa se bopiloeng.

76 Ka baka leo e ne e le bara ba Molimo, bao e neng e le bara ba Setha ho tsoa lesikeng la Molimo, ka Adama; le barali ba Kaine, Satane, “Mme eitse ha ba bona hobane ba batle, ba khahleha.”

77 'Me re a eelloa ka mono, ho hlhisa litšoantšo tse kang tsa lilemo tse 'maloa tse fetileng, ha re re lilemo tse lekholo tse fetileng, kamoo botle ba basali bo fetileng botle bo neng bo le teng ba basali. Ha u ka bala Genese 6, u tla fumana setšoantšo se setle sa eona mono. Ba ne ba le batle. 'Me basali kajeno ba batle ho feta mehleng. Ke ka baka la moaparo oa bona le temalo ea bona ea sejoale. Ke sona se ba ntšang.

78 Ke tšoare setšoantšo sa Pearl White, ke mohla Scott Jackson a neng a 'molaee, a sunya thipa sefubeng sa hae, mochaufa oa sekhukhung, 'me sechaba se sehola sa sisinngoa ke sefela sa Pearl White. E ne e loketse ho ba mosali ea motle ka ho fetisisa lefatšeng matsatsing ao. Khele, e ka ba mokutla oa khale seteratang kajeno, ho basali ba bang bana.

79 Kapa, ho khutlela morao mehleng ea Clara Bow, ha a qala ka bobolu ba ho theolela li-stockings tlas'a mangole a hae, le ho re, “Li meneng, banana, li meneng.” Ke hopola seo bocheng ba ka. Le ho nka setšoantšo sa Clara Bow le ho se bapisa le tse ling tsa botle ba kajeno. Le a bona?

80 'Me eo ke pontšo ea nako ea qetelo. Jesu o itse, “Joaloka matsatsing a Nohe, ho tla ba joalo ho tlang ha Mora motho.” 'Me ha ba phetse ho hlobola. Ke eng? Barali ba Kaine. Ke ka hona re nkuaang re le mahlanya le lifapana-hlooho ha re leka ho hlalosa le ho bolela 'nete ea Evangeli ka eona. Empa ha ba phetse ho itšoara hampe le ho kena literatang le—le ho itšoara ka mokhoa oa bona, 'me ha ba eelloe hobane ba tla arabela ka Letsatsi la Kahlolo. Joale, mosali ea ikapesang ka phoso, a chachehisa nama, 'me u ka hloeka sa mohalalitoe ho monna oa hau, kapa ho moratuoa oa hau, mohlankana oa hau, empa ha moetsalibe a feta seteratang 'me a u sheba 'me u apara joalo, o tla u lakatsa hobane u ipepsitse ho eena ka mokhoa oo.

81 Ha se bana ba hlokang ho shapuo, ke papa le mama, ka ho ba lumella ho etsa joalo. Hoo, ha se botlokotsebe ba bana, ke botlokotsebe ba batsoali. 'Me ke hopola e le botlokotsebe bo bongata ba sefala, hoba ba ba tlohella ho feta mohoalotso 'me ba sa bue letho ka eona, athe e teng Lentsoeng.

82 Joale, joale Bible, Jesu o itse, “Ea shebang mosali ho mo lakatsa, o se a,” lekhathe-le-fetile, “mo febile pelong ea hae, ke hona.” 'Me ha moetsalibe eo a ea kahlolong ho arabela bofebe, e tla fofa hang-hang e khutla, “U e entse le mang?” Le uena! Leha u eso etse ketso eo, empa Bible e u tlalehile u le molato, leha ho le joalo. Ke mang ea qosoang? “Ea shebang mosali ho mo lakatsa, o se a mo febile pelong ea hae.” Bohlokolosi ba eona!

83 Jeffersonville kajeno, ho fihleloa pheresente tse mashome a robong a metso e robong le mashome a robong a metso e robong

holima lekholo tsa basali ba molato pela Molimo. Sechaba sohle se joalo. Hobaneng? Botlokotsebe sefaleng, ho bolella batho; le botlokotsebe ba lelapa, ho lumella mafumahatsana ho tsoela seterateng le ho itšoara joalo. 'Me ba e bitsa "ho itoketse."

⁸⁴ Joale, Nohe o ne a tlameha ho loantša hoo letsatsing la hae. Barali ba batho ba le batle, 'me bara ba Molimo ba ba sheba. Le a bona, takatso e boela e khutla. Empa Nohe, oh, re ka qeta lihora mono. Empa Nohe e ne e le monna oa ho loka, oa morapeli, ea tšepelang, 'me a hlaba mokhosi khahlano le tse joalo. 'Me ba 'mitsa monna ea hlanyang. Basomi, Bibeletse e boletse, ba mo somme, ba mo tloka. Empa a re, "Ho tla nako eo sefefe, metsi a tla theoha maholimong." Pula e ne e eso ne. 'Me Evangeli ea hae ha e a khema le mehopollo ea bona ea mahlale ea letsatsi leo, hoba pula e ne e le sieo sebakeng.

⁸⁵ 'Me, kajeno, mohopollo oa mahlale oa sejoale se bitsoang lihlopha tsa borapeli o lekile ho paka hore Ntho ena e bokoang eo re nang le eona, e bitsoang Moea o Halalelang, ke maikutlo feela. Le a bona, ha e kheme feela le mohopollo oa bona oa mahlale. Be, ke rata ho ba botsa sena, ba fetoloa ke'ng? Letahoa le emisoa ke'ng ho noa? Seotsoa se emisoa ke'ng bophelo ba sona bo bobefo? Ho lelelang mofetše le e—e maloetse a tlohe bathong, le litholo, limumu, le lifofu, le bafu ba tsohe ke hofe? Hlalosa seo. Na ke maikutlo ao? E na le maikutlo ho eona, ruri.

⁸⁶ Ntho efe e phelang e na le maikutlo, 'me ntho efe e se nang maikutlo e shoele. Tšoarelang tlhahiso eo, empa ke hopola re tlameha ho epela borapeli ba rōna bo sa sisimoheng, hobane bo shoele. Ha bo na maikutlo ho bona. Borapeli bofe bo se nang maikutlo bo tlameha ho peloa, uh-huh, hobane, Ke maikutlo!

⁸⁷ Jesu, mohla A kenang motseng, bana le bao bohle, metsoalle ea Hae eohle, ba hooeletsa, "Hosanna! Ea tlang ka Lebitso la Morena!" 'Me barapeli bao ba letsatsi leo ha ba khona ho e mamella, e ne e arubelitsoe ke maikutlo haholo. A re, "Ha ba ka ikhutsetsa, majoe a tla hooeletsa hang." Ua bona? Ntho e tlameha ho hlaba mokhosi, hoba bophelo bo ne bo le teng mono.

Nohe o fetile nakong e nyarosang, empa qetellong tsatsi le leng a fetisoa tekong.

⁸⁸ 'Me bohle ba tsamaeang le Molimo ba fetisoa litekong, tumelo ea hau e a lekoa. Ha u qala u Mo phelela, moahisane e mong le e mong o tla bua ka uena, sohle se tla fosahala ka uena. Hopola seo feela, hoba ke Molimo o u lekang. Bibeletse e boletse, "Mora e mong le e mong ea tlang ho Molimo o tšoanela ho lekoa pele, ho lauoa, ho koetlisoa sa ngoana." Joaloka ha ntate oa ka a ne a nthupella ha ke etsa phoso, ba ne ba fehile—ba fehile e—e melao e leshome holim'a monyako, e le lekala le ka bang bolelele *bona*; 'me Mongh. Branham e le monna ea sephaka se koenneng, 'me a re ntša a re koetlisa. 'Me le Molimo o sebetsa joalo. O a leka, ho u koetlisa sa ngoana, ho u holisa, hobane u ngoana oa

Hae; ntho ea hau e teng tsamaong ea nako, lehae Khanyeng. 'Me O a u koetlisa. Joale, mora e mong le e mong ea tlang o tlameha ho lekoa.

⁸⁹ Nohe, papiso ea lekhathe la hae joale, o ile a fetisoa tekong, hobane Molimo o mo laetse ho kena arekeng, 'me eitseha a kena arekeng, monyako oa ikoala. 'Me ntle le pelaelo Nohe o boleletse lelapa la hae, "Shebang hosane. Oh, monyako o koetsoe bosiuong bona, empa hoseng pula e tla na holimō maholimōng." Eso ne pele, hopolang.

⁹⁰ 'Me basomi, mohlomong ba bang ba balumeli ba sekheeqe, ba itse, "Ha re nyoloheng re eme. U a tseba, mohlomong monnamoholo eo o ne a nepile." Ba ne ba eme ba teetse areka hare, ba letile, le a tseba, 'me ba nahana, "Be, joale, mohlomong o nepile." 'Me ba nyoloha. 'Me hoseng ho hlahlamang, letsatsi la chaba le le letle, la phunyeletsa.

⁹¹ Le a tseba, 'me ntle le pelaelo Satane o ne a lutse holimo mono holima sekoti seo ka arekeng, fensetere eo, ho re, "U nahana u sa ntse u nepile?" Be, diabolosi o re sebetsa joalo kaofela ha rōna. Empa ha feela Molimo o itsalo, lula le Lona! Ho sa tsotelehe eng, lula le Lona hantle.

⁹² Letsatsi la bobeli la feta, letsatsi la borarō la feta. Nohe o ne a hula ka falese. Empa, qetellong, ka mora matsatsi a supileng! 'Me e le ka Hlakola oa 17 mohla a kenang. 'Me hoba ho fete matsatsi a supileng, hoseng hoo ha a phaphama, lialuma li ne li rora, marotholi a sephara a pula a rotha hohle. Bao ba neng ba nyolohile 'me ba lula letsatsi kapa a mabeli, ho fumana, ho re, "Be, re tla ea bona haeba ntho e ka etsahala," nako e ne e felile lekhateng leo. Ba kokota, ba hoeletsa. Literata tsa tlala metsi, ba qalella ho nyoloha ka maralla. Batho ba nyolohela marulelong a phahameng. Ba lekile ho ba palamisa likepe, le joalo-joalo, empa haeba sekepe se sa boptjoa ke Molimo, tšisinyeho eo e kholo ea lefatše mohlang oo ea se hlokohelela hantle feela tlase tlas'a metsi.

⁹³ U re, "Efe! Ha feela ke tšoere borapeli, ho tla itokela." Che, ha se eona. E ka khona e be boiphihlelo bo entsoeng ke Molimo borapeling. Ua bona? Tse ling tsohle li tla timela. Ha ke bue sena ho fapana. Ke e bua feela ka baka la lerato, le ho tseba hore ke—ke tla lokela ho arabela tsatsing leo, le boikarabelo. Ka hona ha nka bua seo A se buang feela, ke tla tseba hore ho itoketse. Empa ha nka leka ho sunya tumeloana ea motho kapa mohopolo ho eona, nke—nke ke ka khona, ha ke na tumelo ho eona. Ke mpa ke lumela seo A se buileng.

⁹⁴ Joale hlokomelang, ka mora nakoana e ile ea teba le ho feta, le ho ea holimolimo. Ba kokota monyako, ba hooletsa, ba lla. Ha e a thusa letho. Matsatsi a 'maloa pele ho moo, mohla ba kentseng liphoofole ka mono, ke utloa basomi ba bang ba re, "Kena ka

mono le liphoofolo tsa hau tse nkhang. Phela ka monko oa hau ohle ka mono ha u batla.”

⁹⁵ Ke kajeno feela, ba u bolella eona ntho eo. “Tsoela pele, u itsoare sekhale-khale ha u batla. Rona re tla iphelela.” Tsoelapele, e tlohele. Empa, oh, moena, ho bolokeha ka hara Areka, monyako o koetsoe! Hoo, ke eona taba.

⁹⁶ Empa Nohe, letsatsing la hae, ho ne ho le thata ho eèna lekhateng la hae, le a bona, hobane batho ba ne ba eso utloele ka ntho e joalo, empa e tlile ka ho tsoana. Re ntano fumana temeng, ka morao ho tokoloho ea Nohe le joalo-joalo, 'me lefatše la qala la hola hape, 'me—'me sohle se phfumolohang phfumoloho ea sona ea timela. 'Me re boela re fumana ho fihlile nako, mohlang oo, Molimo o ne o ntša bana ba Oona Egepeta, hore Moshe o tlile ka molao. Ho ne ho le thata hakana ho batho ho utloisisa, empa lekhathe le ne le fetoha molao. 'Me hoba molao o fihle, Moshe o ne a leka . . . E ne e le mosuoe. Batho ba ne ba phela ka boithatelo ba bona, ka hona mosuoe, molao, ona, Bibeletse, ho lemosa batho hore e ne e le phoso, ka hona A ba fa Melao e Leshome. E ne e le phethoho e kakang, batho ba sa batle ho e amohela. Ho lokile.

⁹⁷ Eaba ka mora Moshe, ho fihla Johanne. 'Me ka mora Johanne, ha fihla lekhathe, a tumisa Jesu. 'Me mohla Jesu a tlileng ho leka ho re tlišetsa mohau, oona e ne e le Molimo ka Moea, mocheng oa Moea, ho bonahatsa lerato la Oona, “Hobane Molimo o ratile lefatše hakaalo O bile oa le nea Mora oa Oona ea tsoetsoeng a inotši,” 'me Jesu o ne a fapane haholo 'me a le khahlano le molao, ua bona, empa e ne e le lekhathe le fapaneng, nako e fapaneng.

⁹⁸ 'Me eitseha Jesu a tloha, O buile ka lekhathe lena la Moea o Halalelang, Bophelo bo kahare, Paki ea Hae ea tsoho. Ke tsoere Mangolo a mangata mona, empa ha ke na nako ea ho kena ho oona, ke tla a khutsufatsa feela. Ho lokile. Haesale e le ntlha le e—e ntoa, mohla lekhathe le leng le fetohang ho tloha lekhateng la khale ho ea Molaetseng oa nako ea joale, esale e le ntoa le batho. Bao—bao—bao . . . Ke, leha koana esale e khema le Mangolo kamehla. Empa nakong eo Molimo o ba fang lekhathe le ho hong ho phela ka eona, kapa ho etsa hong. Joale re fumana hang hoba lekhathe leo le abjoe, banna ba lefatše ba leka ho fumana ntho e ka khahlanang le hoo, le ho hong ho e fetola ntho e entsoeng ke motho.

⁹⁹ Hoba Nohe a fumane areka, 'me hang ka mora moo, Nimrode, molotsana eo, a haha tora, le ho re, “Efèla ha meroallo e ka fihla, re tla hloella feela re e phahamele.” 'Me eaba Molimo o fihla ka molao oa mpa feela . . . Ua bona, lekhathe leo le phetse nako ea lona.

¹⁰⁰ 'Me mohla Jesu a neng a fihla, hape, ka morao ho molao, molao o buile ka Moshe 'me . . . o buile ka ho tla ha Kreste.

Empa ha A fihlile, ba ne ba bopeletsoe hakana meetlong ea bontata bona, ba ne ba bolokile litumeloana tsa bona, ba bolokile lifeshene tsa bona, ba bolokile likereke tsa bona, ba ne ba tsitsitse, ka hona ho le thata haholo ho Jesu ho leka ho sisinya 'muso oo (kereke eo) tumeloaneng, ho Mo lumela. 'Me koana Mangolo haholo a buile ka Enoa ho qala koana lekhateng la pele la Edene, "Peo ea hae e tla khoba hlooho ea noha." Ho tšepisa Jesu lekhateng le leng le le leng, 'me, mohla A ne a fihla, ha ba Mo eelloa, hoba ba ne ba tlameletsoe tumeloaneng ea bona. Empa leha ho le joalo e ne e le 'nete ea Mangolo. Moromuoa e mong le e mong le Molaetsa oa hae o boletse e mong ea tlang ho latela, nako le nako. Moshe, baporofeta ba boletse pele, Moshe o boletse ho tla ha Jesu pele. Moshe o itse, "Morena Molimo oa lona o tla le hlalishetsa Moporofeta ea joaloka 'na." Re fetile ho eona makhetlo a makae Melaetseng ea rōna lefatše ho pota, ha thoe Messia ea tlang e ne e tla ba Moporofeta!

¹⁰¹ Ke ka hona mosali ea mekhoha e mebe, khahlano le bareri bohle, a lumetseng Molaetsa. Mosali oa Samaria, mohla Jesu a buang le eena, O itse, "Mphe metsi."

¹⁰² A re, "Ha U na letho ho kha ka lona. Ha se moetlo ho Uena ho kopa 'na, mosali oa Mosamaria." Eaba moqoqo o tsoelapele.

Eaba O re, "Ea lata monna oa hau le tle koano."

A re, "Ha ke na eèna."

¹⁰³ Ha thoe, "Ke hantle, u bile le ba bahlano, le eo u lulang le eèna joale ha se oa hau."

¹⁰⁴ A re, "Monghali, kea lemoha hobane U Moporofeta. Joale, rea tseba phetoho ea lekhathe e a tla. Ho tla tla e Mong Ea tla tlotsoa, ea bitsoang Messia, Kreste oa Molimo, 'me, mohla A tlang, E tla ba Moporofeta eo." Mosali eo o tsebile ho feta bareri bohle ba letsatsi leo! E. 'Me eèna maemong a hae, ua bona, o utloisisitse Lengolo. Koana, mosajana oa batho, a nyetsoe ke banna ba bahlano, a phela le oa botšelela, 'me leha ho le joalo o ne a tseba ho feta ka Mangolo, hoba a ne a Le nka feela ka boleng ba Lona. 'Me a re, "Mohla A tlang, E tla ba Moporofeta."

Jesu o itseng ho eena? "Ke Eena."

¹⁰⁵ 'Me a siea nkho ea hae ea metsi a matha a kena motseng, ho re, "Tloong, le bone Monna Ea mpoleletseng tseo ke li entseng. Na ha se eena Messia?" Le a bona? Ke Eena eo.

¹⁰⁶ Joale, ua bona, o—o Mo tsebile a tla tla, hobane baporofeta le Lengolo, matsatsing a Moshe, le matsatsing a baporofeta, le morao koana lekhateng le leng le le leng leo, ba ne ba itse, "O tla fihla mona, 'me sena ke seo A tlang ho ba sona!" Oh, khili!

¹⁰⁷ Hola batho ba ka bona seo kajeno, ba ne ba tla tseba letsatsi leo re phelang ho lona. Ba ne ba tla bona hore ke tšepiso ea Molimo ea letsatsi lena. Molimo o e boletse e tla ba ka tsela ena. Ha ho letho le phoso, tšupanako e khōlō ea Molimo e otlala ka nako

e nèpahetseng hantle. 'Me, esita le ho latela mahlale a saense, ke metsotso e meraro pele ho khitla ea bosiu. Ka hona, le a bona, kotlo e ka fihla nako efe. 'Me e se e le lilemo tse peli kapa tse tharo tse fetileng haesale ba rialo. Le a bona, re nakong ea qetelo. Empa, le a bona, re fetotse makhathe ho tloha mongoaheng oa kereke ea khale motšeo mona moo letsatsi le rothofetseng leo le neng le le teng, ho ingolisa kerekeng feela le ho ngola lebitso la hau bukeng; ho fihlela Leseli la mantsiboea, khutlisetso, ho khutla hape ha Moea o Halalelang holim'a lefatše, pentekosta e 'ngoe, pontšo e 'ngoe, ntho e 'ngoe e ne e tla etsahala. 'Me batho ha ba E lumele, hobane ba bopeletsoe joaloka matsatsing a Jesu. Ua bona? O buile ka letsatsi lena. Mehlang ea Hae mona lefatšeng, O tlile ho latela Lengolo hantle; eaba O lepa letsatsi *lena* le tlang.

¹⁰⁸ Joale, joale re batla ho nahana ka e mong mona. Ke tšoare . . . Ha u batla ho bala a mang a eona, Mattheu 24. Jesu o buile ka letsatsi lena, O itse Bajuda ba tla boela ba phutheha letsatsing la ho qetela. O itse, "Etlare ha le bona sefate sa feiga se hlaha menoko ea sona, le tsebe hobane nako e haufi." O itse, "Nako ea tsieleho e tla ba teng, khohlano lipakeng tsa lichaba, leoatle le a rora; lefu la pelō le emisa banna lipelo, khafetsa." Ha e har'a basali, joale. E har'a banna. Jesu ha a re basali; "banna." Shebang kotlo! 'Me tsatsing leo se tla etsahala! Eo e tla ba pontšo ea nako ea qetelo, "Lipelo tse tepeletseng, tšabo, tsieleho." Tšenolo, mohla E neng e bua, moporofeta a bua ka letsatsi lena, o boletse ho tla fihla mohla kereke e tla ba fofa, Mongoaha oa Kereke ea Laodisea matsatsing a qetelo. Le a bona? Ke eng? Ke Jesu (mongoaha oa ho qetela) ea lekanyang qetello ea mongoaha ona.

¹⁰⁹ Joaloka Edene hantle, joaloka tlase nakong ea Nohe, le tlase nakong ea Moshe, tlase mehlang ea molao—molao, e ntano ba nako ea mohau, 'me joale nakong ea mantsiboea. Li ngata tse ling mono hola re—re ne re ena le nako, empa ke li tlotse feela hoba re ke ke ra ba le nako. E mong le e mong a bua se neng se tla etsahala mongoaheng o latelang, empa kereke e fetoha bokereki hona ka litumeloana tsa bona, ka litšomo tsa bona, le boipehō-tumelo ba bona le mehopolō ea bona e entsoeng ke motho, ho fihlela ba fosa Lentsoe leo. Joale le ka bona seo boevangeli ba nako ea mantsiboea bo tlang ho ba sona. Le a bona? Ke eng? Ba O jereng ba tla bitsoa mahlanya. Ba tla be ba fapane haholo! Ba entse joalo nakong ea Nohe, ba entse joalo nako le nako. Ho lelekoa likerekeng tsa bona hobane ba lumetse ho Jesu, mang le mang ea Mo utloileng a tlameha ho khaoloa kerekeng ea bona. Le a bona? Empa O ne a bolokile lekhathe leo, e ne e le nako ea Hae eo, lekhathe la Mora.

¹¹⁰ Joale, re boela re fumana Moea o Halalelang o moholo o porofetile taba eo. Le batla ho ngola a mang a Mangolo ana fatše, Mattheu 24, le ntano ngola Timothea oa Bobeli 3:1. Moea

o Halalelang o bua ka mongoaha o moholo oa hlalefo nakong ea qetelo. Na le tsebile seo? Hobaneng ho le joalo?

¹¹¹ Joseph, o hahlautse le 'na haholo mona sechabeng 'me u utloile ka likopano tsa mose ho maoatle. Ke ea mose ho maoatle 'me ke fumana likete tse lekholo le mashome a mahlano, makholo a mabeli, likete tse makholo a mahlano, 'me batho ba mpa feela. . . Ntho e le 'ngoe feela, eo le e bonang e etsoa letsatsi ka leng, ea likōpano tse tsoellang, mohlomong, mona tabernakeleng; ho fihla ho likete tse leshome, tse mashome a mabeli le tse mashome a mararō li tla oa ka maoto a bona. . . ka maoto a bona, ho rorisa Molimo. Ba a E bona. Molato ke'ng, ha e sa etsahale Amerika? Ke nako ea hlalefo. Ba batla motho ea sa tl'o bua ka kahlolo, e seng ka lintho tsena, hobane e ba pshatla botsoalleng ba bona le mekhatlo ea bona le—le liloje tsa bona, le—le lintho tse hlokang borapeli tseo e leng litho tsa tsona. Ka baka leo, ha molisa oa bona a ka bitsa ntho e kang ena, lekhotla la batikone le tla mo leleka, le ho kenya motho e mong, Ricky e mocha kapa ho hong. Le tseba seo ke se bolelang.

¹¹² Ke. . . Le ntšoarele eona, lea bona, ke—ke ne ke sa ikemisetse hoo, lea bona, empa ka linako tse ling ke fulueha haholo, kea kholoa. Empa ke bolela. . . Ricky o itoketse. Ha ke rate lebitso leo feela, ke hantle. Empa ha u e sheba ka lipalo, u tla rea ngoana oa hau bocha. E, monghali. Joale, Ricky kapa Elvis, kapa ntho e kang eo, oh, mohau! Ka hona, oh, le hona, joale, le a bona ba tlameha joalo. Ba ne ba se na mabitso ao maobeng, e tlameha ho fihla. Ona ke mongoaha oa eona ho fihla mona. Ehlile. Hantle haholo.

¹¹³ Joale, “Me joale Moea o re.” Joale mamelang, ke le qotsetsa ho tsoa Lengolong.

Joale Moea o bolela ka ho hlaka, hore mehlang ea morao, le a bona, mehlang ea morao ba bang ba tla koenehela tumelo, ho mamela meea ea thetso, . . . lithuto tsa matemona; le joalo-joalo, le a bona.

¹¹⁴ Shebang kamo o bua tla ba kateng, “Bahlalefi, bakaki,” mathaka a maholo. Le ntšoarele, empa le tseba seo re se bitsang limelala, polelo ea seterata joale. Bohle re tseba hantle ho feta ho e bua joalo. “Bahalefi, bakaki, ba ratang menate ea nama ho feta ho rata Molimo.”

¹¹⁵ Ke ne ke eme mono maobane, ke shebile letamo la ho tola tlas'a rona feela. 'Me, ka ipotsa, ha monna, e leng mosuoe oa sekolo sa Sontaha, a re ho 'na, “Taba eo ha e a lokela ho hlaha Bibeleng, moo Jesu a tšoetseng mathe teng.” Ho re, “E khahlano le melao ea bohloeki mohla Jesu a neng a tšoela mathe 'me a etsa, a nka mathe a Hae.”

¹¹⁶ O ne a eme, a bua, Segerike sa mantlha se itse “A tšoela mathe mobung.” Ho bua le monna enoa, le ho tšoela mathe fatše. Hoba A qete, A nka letsoho la Hae, a nanabela, a ngoatha seretse sa

mathe a se pikitla mahlong a hae, a se hlatsoa mahlong a hae, le ho re, “E-ea, u itlhatsoe letšeng la Siloame (ho romela) ’me mahlo a hau a tla tutuboloha.” ’Me a tloha a ea itlatsoa, mahlo a hae a tutuboloha.

¹¹⁷ Ka hona thaka lena la re ho ’na, “Hoo ho ke ke ha sebetsa kajeno. Hoo ho khahlano le melao ea bohloeki, melao ya bophelo bo botle.” ’Me eena monna eo o isa lelapa la hae, mohatsa’e le bana bao bohle tlase mono letšeng leo la ho tola moo basali bao bohle le banna, ’me ba le ka metsing ao ka linako tsa khoeli tseo ba sa tšoanelang ho kena ka tsona, le tseo tsohle. Ka nako tse ling ha ba kene liphaposing tsa boithusetso, ka—ka mebele eo eohle e litšila le e bohlasoa ka mono, ’me ba e tšoela ka melomo oa bona, le ka mahlo, le lintho tse kang tseo. Le ho re Jesu o tšoela fatše ho tutubolla monna ho bona!

¹¹⁸ Ke tlile le moshanyana ea tsoang mono tsatsi le leng, a re, “Ke koentse metsi a mang ao,” ho re, “ke kula joaloka pere. Ke—ke ea hae.” Mothoana eo ekaba o lutse mona joale, ea lulang ka har’a tereilara liboloko tse ka bang peli kapa tharo ho theosa ka seterata, moo ke mo isitseng teng, ho re, “Ha ke sa tla hlola ke kena ka mono.”

¹¹⁹ Empa koana hoo ho bitsoa “tsoelopele ea sejoale.” Le bona moo le fihlang teng? Polelo ea khale ea “le hlotlha ntsintsinyana, athe le metsa kamele,” bona. Ke labalabela feela ho kopana le eena joale. Joale, ke moo. Ke mpe ke tlohele lintho tseo, le a bona.

¹²⁰ Bahlalefi, “bahalefi, bakaki, ba ratang menate ea nama ho feta ho rata Molimo.” Ke qotsa Lengolo. Moea o Halalelang o bua ka ho hlaka hore sena se tla etsahala nakong ea qetelo. “Bahalefi, bakaki, ba nang le sebopeho sa borapeli- . . .” Be, pele, “E tla ba ba sa khoneng ho itšoara, le ba hloelang ba lokileng,” ba hloileng ba lumelang Lentsoe. Le a ba bona? Ha ba lumellane le litumeloana tsena tsa moetlo le lintho, ka hona ba ba hloile.

¹²¹ Joaloka Bafarisi le Basadusi bao, ba ne ba hloile Jesu. Hobaneng? Hobane O ne a—O ne a hanyetsa tumeloana ea bona. Ua bona? E seng hore O ne a batlile ho fapana, empa, O tšoanela ho phela, E ne e le Lentsoe, Lentsoe le phelang le phelang. O itse, “Ekare ha Ke sa etse mesebetsi ea Ntate oa Ka, le se ke la lumela ho ’Na.” Ua bona?

¹²² Be, ho a tšoana le kajeno. Ha motho a rera lintho tsena, ’me e sa etsahale, e tla ba e fosahetse, hoba Lengolo le boletse hore e tla etsahala. Ebe haeba e etsahala, e tla ba e lokile; motho ha se eena ea lokileng, empa Lentsoe le nepahetse. Joale, empa ke maemo ao re keneng ho ’ona kajeno. Le a bona, metsoalle, e etsa kekello hakaalo feela. Le a e bona? Ke haha holimo mona ho le bontša sehlohloho mona boevangeling ba nako ea qetelo.

¹²³ Joale lemohang mehleng ena, mongoaha oa hlalefo, “Bahalefi, bakaki, ba ratang menate ea nama ho feta ho rata Molimo,” ho lula hae Laboraro bosiu ho shebella lipapali

tseo tsa khale tse manyala, “Re Rata Susie,” kapa “Lucy,” kapa seo nyee eo eohle e leng sona, mosali ea nyetsoeng makhetlo a leshome le metso e ’meli ’me a phela le monna, ’me bona ba phela . . . ’Me, oh, khili, e mong le e mong oa bona o nyetse o hlaliloe, o nyetse o hlaliloe, athe le ba fetola melimo ea liseto, joaloka melimo. Empa le ka mpa la sala la shebella hoo sebakeng sa ho etela kopano ea thapelo. “Ba ratang menate ea nama ho feta ho rata Molimo.” E re papali ea bolo e kene motseng, kapa Colonels le Giants, kapa seo e ka bang sona se kopane ka ntle mona kae-kae, ba koala likereke hore ba tsebe ho ea ho eona. E re Elvis Presley a theohele seteratang mona, ka katara ea hae, a e tsokoletsa morao le pele, kapa ba bang ba mathaka ao, Laboraro bosiu, likopano tsa thapelo li tla koaloa. “Ba ratang menate ea nama ho feta ho rata Molimo. Bahalefi, bakaki, ba sa tsebeng ho itsoara, ba sehloho, le ba hloeang ba molemo. Ba nang le sebopelo sa borapeli!”

U re, “Ke Makomonisi.” Che, ha se bona.

¹²⁴ Ke litho tsa kereke, ba nang le sebopelo sa borapeli. Empa ke eng? Ba latola Matla a jona! Ba nang le sebopelo sa Molimo, empa ba re, “Molimo ha o etse lintho tsena. Ua bona, ha ho Matla ho eona, u mpa u amohela ’me u etsa *sena, sane*.” Le a bona, ha ho phetoho ea bophelo, ha ho letho, ke feela—feela ho ba setho sa kereke.

¹²⁵ “Ba nang le sebopelo sa borapeli, ba mpa ba latola Matla a jona. Le ba joalo u ba furalle,” Bibe e boletse. “Hoba ke bona ba kenang tlung le tlung, ’me ba hapa basajana ba imetsoeng ke libe, ba kenoeng ke litakatso tse ngata.” Ke hantle seo Bibe e se boletseng. Joale re phela mogoaheng oo hantle. “Empa u etse mosebetsi oa ’moleli oa evangeli, o phethisise tšebetso ea hau.” Le a bona, ke eona.

¹²⁶ Joale, ka baromuoa bana le lipaki tseo re li bonang, re fumana sejalo seo re leng ho sona. Shebang sejalo seo le leng ho sona hoseng hona. Shebang sejalo seo re leng ho sona. Khele, O boletse, ka lehlakoreng lena, mehlolo ena e tla tsamaea le ba lumelang, ba tla songoa ba songoe joaloka matsatsing a Nohe. ’Me sehlopha se seng ke sena se tla khutla se ba soma, bahalefi, bakaki, ba nang le sebopelo sa borapeli, ba mpa ba latola sona seo u ipolelang sona. Ka hona le ka—le ka bona sejalo seo le leng ho sona, le a bona, baromuoa bana ba ’nete ba kajeno! Jesu o boletse pele hore *eo* e tla ba Satane ka molaetsa oa hae. ’Me lenqosa la Hae le tla etsa *sena*, mehlolo ena e tla tsamaea le ba lumelang. Le a bona, baromuoa ba Satane ba tla ba le sebopelo sa borapeli. Baromuoa ba Hae ba tla ba le lipontšo tsena, ho tsoara linoha, ho noa lintho tse bolaeang, ho leleka matemona, ho bea bakuli matsoho, ho amohela kolobetso ea Moea o Halalelang, lipontšo le meeka. Joale, re ho se seng sa lijalo, ’me re nakong ea qetelo. Oh, khili!

¹²⁷ Ha ho makatse Esaia moporofeta a itse, “Mele ’ohle o bolile o tletse maqeba a bolileng, ntho e ’ngoe le e ’ngoe.” Re ne re ka ea kae? Re ne re ka etsa’ng hola bohle re ka kopana ’moho? E ka e mpefatsa ho feta pele, le a bona, ho ka hlaha lintho tsa mefuta eohle. Joaloka ha ba leka e—e Lekhotla La Likereke Tsa Lefatše, e ke ke ea sebetsa le ka mohla, ba tsoere bahanyetsi, bomosalumele. “’Me ba babeli ba ka—ba ka tsamaea ’moho joang,” Bibeletse e boletse, “ba sa lumellane?” Ua bona? ’Me ha ho letho la ba babedi ba bona ba tla lumellana ’moho.

¹²⁸ Poloko ke taba ea motho ka bomong lipakeng, e seng kereke, empa lipakeng tsa motho ka bomong le Molimo. Ho tsamaea le Lentsoe! E. Sheba, moena, re sa bona. ’Me kea tseba ke siioa ke nako haholo.

¹²⁹ Lemohang, pontšo e kholo ea lebone le lefubelu le halimang ea ho Tla ha Hae e theohile. Re tseba seo. Nka qotsa Mangolo a mangata mona ao ke a ngotseng ho le bontša, eng, re nakong ea qetelo. Bajuda ba khutletse Palestina, sefate sa feiga se hlahisitse menoko ea sona. Lipelō tsa batho li emisoa ke tšabo. Basali, pherekano eo ba leng ho eona, kamoo nka khutlelang ho Tšenolo ’me ka le bontša sechaba sena mona hore se tsoailoe ke basali, palo ea mosali, palo ea leshome le metso e meraro. Re fumana, ho qaleng, likoloni tse leshome le metso e meraro, metaka e leshome le metso e meraro, ntho e ’ngoe le e ’ngoe leshome le metso e meraro, linaha tse leshome le metso e meraro, ntho e ’ngoe le e ’ngoe, leshome le metso e meraro, linaleli tse leshome le metso e merarō dolareng, sohle ke leshome le metso e merarō le mosali.

¹³⁰ Ha se khale haholo ha ke ne ke eme Switserlane, ’me ke ntse ke bua. Mosali o itse, “Na, re batla ho tla Amerika re tle re fumane tokoloho e kang ea basali mono.” Ka ba bolella seo ba se entseng. “Che,” ba re, “ha re batle ntho eo, ke hona.” Le a bona? Le a bona?

¹³¹ Empa ke Amerika. Re ka khutlela morao ra e supa hantle mona, ho thoe ke sechaba sena se nyolohang moo ho seng metsi, batho ba le sieo. Ho nyoloha joaloka konyana, e na le linaka tse peli, matla a bochaba le a bokereke, empa ba kōpana ’moho ka matla a sepolotiki, Mopresidente e mocha eo re mo fumanang, ho kenya Roma hape.

¹³² Ke batla motho a mpoelle, moithuti ofe oa thutabomolimo mona kapa nqa efe, moo Bibeletse e tlalehang Bokomonisi bo tla busa lefatše. Le se ke la tšaba Bokomonisi, ha ho letho ho bona. Ke ntho ea bohata eo Molimo o e sebelisang ho otlala lichaba ka eona, ho otlala sechaba. Ehlile. Bibeletse e re Roma e tla busa lefatše. Shebang Morena Nebukadnesare, toro ea hae, pono ea hae, tlhaloso ea Daniele, kamoo o mong le o mong oa mebuso eo le makhathe a neng a otlala botsekeng ka ho phethahala, le ho theohela hantle qetellong e ne e le Roma. Ka baka leo, e tla ba

Roma. E ke ke ea ba Bokomonisi, ke feela—ke lihlooho tsa papiso feela. Ke phetho. Ba ke ke ba ea kae kapa kae. Che, ba ke ke.

¹³³ Joaloka ha Joseph a sa tsoa bolela, “Pelo ea Afrika, bahetene bao ba futsanehileng morao mono ha ba lokela ho busoa. Ba se ba busitsoe.” Ke bona bothata ba bona kajeno, ba busitsoe. Ba batla lerato, ba batla Molimo. ’Me ha Bokomonisi bo hloka borapeli, ba ke ke ba amohela hoo. Ruri lekhale, ruri lekhale.

¹³⁴ Lebone le lefubelu le a halima. Letšoao le theohile. Ho tla ha Hae ho haufi. Oh, khili! Esaia, khaolo ea 60 le temana ea 2, e itse, “Lefifi le tla aparela lefatše, ’me lefifi le opaneng le tla aparela batho.” ’Me ke hantle haholo.

¹³⁵ Moromuoa oa nako ea qetelo le Molaetsa li tlameha ho khahlana le maemo a nako ea qetelo. Ha le nahane joalo? Molaetsa ona o ne o ke ke oa reroa lilemo tse mashome a mane tse fetileng. Che, Molaetsa oa nako ea qetelo le moromuoa li loketse ho kopana. Morao mono matsatsing ao ba neng ba o tšoere, mohlomong o ka be o sa sebetsa. Empa o loketse ho khema le maemo a nako ea qetelo. Sokolohang, lumela lipontšo tsa Evangeli! Oo ke Molaetsa oa kajeno. Hlatsoang meea ea lona Maling a Konyana ’me le lumele Evangeli, hore lipontšo tsa nako ea qetelo li fihlile, peo ea Evangeli esale e etsahala.

¹³⁶ Ba bua haholo ka hlabollo, ke tla khema le bona tabeng eo, joaloka hlabollo ea boevangeli. *Hlabollo* e bolela “ho hloekisoa.” Ka hona ke nahana re hloka ho hloekisoa haholo, ho se lumeleng ha rōna, le ho lumela Evangeli. Ke hantle. Lipelaelong tsa rona tse ngata le meeka. Hlabollo! Esita le lentsoe la tloaelo phetolelong ea Segerike le reng *baka*, le bolela “hlabollo.” ’Me hlabollo e bolela “ho hloekisa,” tsohle tse ka morao, tse fetileng, le ho lumela Evangeli matleng a Eona le ponahatsong. “Mehlolo ena e tla tsamaea le bona.”

Ba re, “Bakeng sa mongoaha oo feela.”

¹³⁷ O itse, “Ho isa bofelong ba lefatše.” Joale, motho e mong o nepile. Haeba motho eo e leng mosalumele a boletse e ne e etselitsoe baapostola feela, ’me Jesu ka Sebele o itse “ho isa bofelong ba lefatše,” ke tla nka Lentsoe la Hae ka eona. Ke hore, Le lokile!

¹³⁸ Molimo o batla batho ba Oona ba ikarole ho se lumeleng le ho ba sa lumeleng. Bongata ba lona batho ting le etsa phoso tabeng ena, ka nako tse ling le lumella bana ba lona ho bapala Oswald e monyenyanane kantle mona. Le a bona? Ha ke a ikemisetsa ho fapana joale, le ho satalla, le joalo-joalo, le ho fetoha lehlanya la mofuta. Ha ke a ikemisetsa hoo. Empa e re . . . U etse bonnete ba hore morali oa hau o tsoa le mang bosiu. Le a bona? Mohlomong o mo holiselitse ho ba ngoanana oa khale ea lokileng kerekeng, ’me ntho ea pele lea tseba o tsoa le Oswald kapa ba bang ba bona, ’me—’me ke mohanyetsi oa bolumeli, mosalumele, ’me bophelo ba hae bo tla senyeha ’me ha u tsebe seo a leng sona. Le a bona?

Ebe o a mo nyala, 'me le shebe moo bana ba lona ba leng teng, litlohlo tsa lona, ke hona, le a bona. Hlokomelang. Molimo o batla hore batho ba Oona ba ikarole.

¹³⁹ Balang Exoda 34:12 hang, 'me le bone seo Molimo a se boleletseng Iseraele. "Mohla le tšelang le kena lefatšeng leo, le hloekise sohle se leng teng. Le se ke la amana le eona ka letho." Joshua hape, khaolo ea 23 le temana ea 12, shebang seo Joshua a se buile, "Joale Molimo o le tlisitse lefatšeng le letle lena," joaloka Kereke joale, "'me o le tlisitse lefatšeng lena le letle. Na le a le thabela?"

Ba re, "Amen, re a le thabela."

¹⁴⁰ Ha thoe, "Joale ho setse masalla, bomosalumele bana kantle mona, 'me u se ke ua ikamahanya le bona. U se ke ua tsamaea le bona." U se ke, khaitseli, ha moshanyana eo a batla ho u isa tameneng nqa e 'ngoe, ho noa senonyana sa bolekanane feela, suthela hole le eëna! 'Me ho a tšoana, lōna bashanyana, ho ngoanana eo ea ka etsang hona hoo. Suthelang hole le bona!

¹⁴¹ Joale u tla re, "Moena Branham ke lehlanya la khale." Empa le leng la matsatsi ana u tla fumana. Holane le tsamaile moo ke o tsamaileng, le ka be—le ka be le tsebile hoba e lokile. E, monghali.

¹⁴² Ke bone makhetlo a makae, liphaposing tsa maipolelo, moo banana ba bacha ba kenang ka—ka lihlong. Letšoao leo le tla tsamaea le eena ho fihlela a eshoa, le lintho tseo a li boleletseng: O kile a holisetsoa lelapeng le letle la Bokreste, empa se etsahetseng ke sena, a tsoa le moshanyana enoa. O ne a le motle hoo a sa khone ho mo tlohela, le—le tsohle ka mokhoa ona. 'Me, ntho ea pele, o ne a tsuba lisakrete 'me a noketse botlolo mokotleng oa hae, 'me ba qala ba noa, 'me ke lōna bana. Le a bona? 'Me ke eo o kene lihlong le ntho eo. Oh, ke ntho e haulang. U e bona mahlakore a mabeli. Kahoo suthela hōle, u ikarole! Eba mosa le bonolo ho e mong le e mong, empa u se ke ua nka kabelo sebeng sa bona. Suthela hole le sona. E, monghali.

¹⁴³ 'Me kamehla, metsoalle, baetapele, nako le nako phetohong ea makhathe ana, ba lubakantse batho ka botlalo. Hakaalo e ne e se batho, hoja Evangeli e ne e ka lula sefaleng moo E loketseng!

¹⁴⁴ Joaloka ha ke qoqile le Bethany College mane, Maluthere. A re, "Moena Branham, ha u nahana re tšoere eng?" 'Me ka . . . a re . . .

Ka re, "Be, taba ke ena."

¹⁴⁵ A re, "Phapang ke efe lipakeng tsa pentekosta ena eo u buang ka eona le rona Maluthere?"

¹⁴⁶ Ka re, "Kereke ea Pentekosta ke kereke ea Luthere e hatetseng pele. Ke hantle haholo. Holane oa lula moo u neng u loketse ho ba teng, le uena u ka be u le Mopentekosta."

147 'Me bohle re bua joaloka ha ke utloile motho a bua hoseng hona, ho thoe "Likereke tsohle, borapeli bohle—bohle ba pele, Bakreste bohle ba hlile ba tsoa Roma." Ke batla motho ea ka mpakelang eona. Ke tla lumela hore liphutheho tsohle tsa bolumeli li tsoa Roma. Empa Bakreste ba qala Jerusalem.

148 Ka hona haeba bolaoli ba Katolike bo batla hore bohle re khutlele ho 'mè oa Bokreste, Ke tla lumellana le eèna mono, ha re khutleleng Pentekosta 'me bohle re amohele Moea o Halalelang. Ke tla lumellana le eèna mono. Hoo, ha e a tsoa Roma le ka mohla, E tsoa Pentekosta. Kereke ha e a hlongoa Roma, e hlongoe ka Tsatsi la Pentekosta. Ehlile, e seng tlasa litšomo tsa bona, empa tlasa kolobetso ea Moea o Halalelang. Ke seo ke lekang ho se bua. Ha re ka khutlela morao, a re khutleleng tšimolohong ea eona; e seng morao phuthehong ea bolumeli, u ea Roma, hoba e ne e le ba pele ba entseng mokhatlo kapa phutheho e hlophiloeng, 'me ke 'ma tsona tsohle.

149 'Me Bible e itsalo, ho Tšenolo 17, "Ke seotsoa, ka seqo, le 'ma liotsoa, barali ba hae." Ua bona? Bible e itsalo. Jesu Krete o itse, "Kereke eo ea Roma e Katolike e ne e le seotsoa, 'me barali bohle ba hae ba Protestanta e ne e le lihloa le eèna." 'Me O itse, "Tsoang ho bona, batho ba Ka, le se nke kabelo libeng tsa hae; 'me Ke tla le amohela, 'me le tla ba bara le barali ho 'Na." Le a bona? Ka baka leo ke moo, le a bona, "Ba nang le libopeho tsa borapeli, 'me ba latola Matla a jona," le joalo-joalo.

150 Lōna Mamethodise a theko e thata, le ne le ruile matla a Molimo har'a lōna. Ka tloha ka ema...Ke ile ka apara kobo ea Johanne mohla ke etetseng Landane, Engelane, ho rapella Khosi George mohlango. 'Me ba nkisa holimo mono Chapeleng ea Wesley moo a reretseng makholo a leshome le metso e mehlano hoseng ka hora ea bohloano, pele banna ba ea mosebetsing. Ho lula mono setulong moo a sokolotseng mokoko ona o iphetetsang, 'me ka—ka lula setulong. Le ho ema mono, le ho nyolohela sefaleng sa hae. Le ho rapela ka phaposing moo a ileng Leholimong. Ka nahana, "Oh, hola Johanne a tsebile seo kereke eo ea Methodise e se entseng, o ne a tla phethoha lebitleng la hae." Athe o ne o rapella bakuli 'me a na le lipontšo tse kholo! Mohla John Wesley...a ne a eme kantle mono, serapelong seo ke neng ke eme pela sona, moo sefate se leng teng. Tsatsing leo, a rera pholiso ea Khalalelo, 'me e—e kereke e phahameng ea Engelane, kereke ea Anglican, ea tloha 'me ea fetoha... Sehlopha sa litho sa theohela mono 'me sa lokolla phokojoe le sehlopha sa lintja, 'me sa qhalanya phutheho ea John. John e monyenyanane oa khale a se le boima ba lipondo tse fetang lekholo le leshome nakong efe bophelong ba hae, empa a retoloha a supa ka monoana oa hae, 'me a re, "Moikaketsi tooe! Letsatsi le ke ke la likela hloohong ea hau hararo pele u mpitsa ho u rapella." 'Me a shoa mantsiboea ao, a honyela mesifa 'meleng oa hae, a bitsa Johanne ho tla mo rapella. 'Me a shoa. Ua bona? Oh, hola

lona Mamethodise le ka ba Mamethodise a kang ao, le ka ba Pentekosta. Ke hantle.

¹⁵¹ Le reng ka lona Mabaptise? U mathela tlase kerekeng metsotso e 'maloa, 'me ha molisa a rera metsotso e fetang leshome le metso e mehlano u batla ho mo khaola. John Smith, mothei oa kereke ea Baptise, o rapetse bosiu bohle ka linako tse ling, a llela libe tsa sechaba, ho fihlela mahlo a hae a koaleha, ke ho lla, 'me mosali oa hae a mo tataisetsa tafoleng 'me a mo fepa ka khaba, borakefese ba hae. Ha le sa khona ho rapela metsotso e leshome le metso e mehlano. Molato ke'ng? Ua bona, le tsoakile meetlo ho Lona.

¹⁵² Molaetsa o sa ntse o tsoelapele. Iseraele e latetse Topallo ea Mollo. Moo E neng e ema teng, ba ne ba ema. Moo E ileng teng, ba ile. Topallo ea Mollo e tsoelapele. E.

¹⁵³ Joale re fumana e etsoa ke baetapele. Baetapele esale e le bona ba lubakantsoeng. Shebang Dathane oa khale morao koana mehleng ea Biblele, lekhateng la molao oa Moshe. E le eena ea eteletse letšoele tsoakaneng pele, Dathane, e ne e le Kore; mohla Molimo o no o hlahisa moporofeta oa Oona Moshe, 'me a tšoare Lentsoe la Morena. A ena le batho ba limilione tse peli le halofo ntle mono lehoatateng leo, 'me Jethro a nyoloha 'me a re, "Moshe, e tlii' o u bolaea, moroalo oa hau o moholo haholo." Molimo oa nka karolo ea Moea oa Hae 'me oa O bea holima baholo ba mashome a supileng, 'me ba porofeta. Ha ea fokolisa Moshe le hanyenyane. E'ena, empa Moshe e ne e sa ntse e le karabo ea ho qetela, hobane o ne a tšoare HO RIALO MORENA.

¹⁵⁴ U ke ke ua kena tlasa sehlopha sa banna. Ke—ke hanela nako efe eo—eo le ka mohla, mohla Molimo o kileng oa sebelisa sehlopha sa banna. O sebelisa monna a le mong. Ka n'epo. Monna a le mong ka nako, hobane banna ba babeli ba fupile mehopolo e 'meli. Monna a le mong! Hantle haholo. Lemohang joale, lekhathe ka leng ho bile joalo, ho theosa joalo, ho bile joalo nako le nako.

¹⁵⁵ 'Me Moshe o ne a eme mono. 'Me na le tseba seo Kore a se buileng? A re, "Khele, Moshe o itšoara eka hoja ke eena feela ea ka rerang, ke eena feela ea tšoereng Molaetsa. Oh, rea tseba Topallo eo ea Mollo e leketlile holim'a hae, rea tseba Leseli leo le holim'a hae, re tseba hoo hohle, empa o itšoara e ka ke eena feela ea tšoereng Molaetsa."

¹⁵⁶ O ne a sa ikemisetsa hoo. O ne a sa ikemisetsa hona. O ne a leka ho lokisa batho. Menahano e mengata haholo. U tlameha ho mamela ntho e 'ngoe. 'Me ha etsahalang? Molimo oa re, "Ikhethe ho eena feela, hoba Ke tla mo metsa le phutheho ea hae lefatšeng." 'Me lefatše la buleha 'me mollo oa tsoa, 'me ba lepella. Ua bona?

¹⁵⁷ Ba tsoakaneng, baetapele, baetapele ke bona ba hlahisitseng bothata har'a batho. Holane ho se joalo, kajeno re ka be re kena

motseng ona 'me kereke e 'ngoe le e 'ngoe le phutheho e 'ngoe ea phutheha 'moho. Khele, ba ne ba tla fumana sebaka sena, ba ne ba tla fumana, oh, levenkele ka leng la joala le ne le tla koaloha. Khele, motse ona o ka omella hakaale ho fihlela lekhoba la tahi le tlameha ho iphuluha halofo ea hora ho kolla mongobo o lekaneng ho tšoela mathe. O . . . Khele, ho ka be ho le joalo! Oh, ntšoareleng, ke ne ke sa lokela ho rialo. Emang. Sena, seo ke se bolelang ke sena, bohle re qhalane. Ke baetapele. Molimo a ka kena ho etsa ho hong, 'me baetapele ba lihlotšoana tswana ba tšaba ntho e tla lahleha, ba tla lula . . . ho ba hulela hole le Oona, sebakeng sa ho amohela Molaetsa oa Molimo. E ne e le baetapele, matsatsing a Nohe. E ne e le baetapele, matsatsing a Moshe. E ne e le baetapele, matsatsing a Jesu. Ke baetapele, kajeno ka ho Moea o Halalelang. Matšoele a tsoakaneng! Ba re, "Oh, e re basali ba etse joalo. U ba hlabela mokhosi ke'ng?"

¹⁵⁸ Joaloka ha ke boletse, ke a kholoa mona pele, motho o na re ho 'na tsatsi le leng, hoba esale ke leka ho tsepamisa likhaiseli tsa ka. Le a e bona, bona ke—ke tekele. Esale e le tekele mogoaheng o mong le o mong. Satane o ba sebelisitse morao koana tšimong ea Edene, 'me o ba sebelisitse nako le nako. 'Me ha Bible e supa ka Amerika le basali ba eona matsatsing a qetelo, ke qala ke e omanyana. 'Me motho o itse, "Moena Branham, batho ba u nka u le moprofeta."

Ka re, "Ha ke eèna."

¹⁵⁹ A re, "Empa ba u nka joalo. Hobaneng u sa rute batho bao mokhoa ho fumana lineo tse kholo tsa moea? Ba rute lintho haeba u . . . Molimo o sebetsana le uena, re tseba seo." Ho re, "Hobaneng u sa rute basali bao sebakeng sa ho ba hlapaola kamehla?"

¹⁶⁰ Ka re, "Ke ba reretse lilemo tse mashome a mararo le motso o le mong, 'me ba . . . Nka ba ruta joang, nka ba ruta algebra joang, athe ha ba tsebe le li-ABC tsa bona? Hobaneng ba sa hlomphe ba itšoare joaloka basali? Hobaneng ba sa phetse ho itšoara kamoo ba etsang? U ka ba ruta lintho tsa moea joang athe ha ba lumele lintho tsa tlhaho? U ka ba ruta lintho tseo joang?" Ere kereke e nyolohele sebakeng seo, 'me ba ka ruta selikeng seo mokhoa ho amohela lineo tsa Molimo le mokhoa ho bonahatsa lineo le lintho. Empa Moea o Halalelang o ke ke oa e lumella ho tla pele pelo eo e lokile 'me e itokiselitse ho e amohela.

¹⁶¹ Ka hona, Molimo o eme mono eka khatello e kholo. U se tšabe hore ba tla ba bangata haholo. U ke ke ua qeta Molimo. Na le ka nahana ka khoto e nyenyane e ka bang bolelele bo *bokaalo*, khoto e nyenyane tlasa liotlo tse kholo tsa Egepete, e re, "Ke mpe ke je thollo e le 'ngoe ea koro ka letsatsi, nka tšoha ke feletsoe pele ho kotulo e latelang"? Na le ka nahana ka hlatsoana e ka bang bolelele *boo*, e sesa kantle bohareng ba leoatle, e re, "Ke mpe ke noe metsi ana ka paballo, hoba, u a tseba, a ka omella khetlo le leng"? Oh, khili, ke ho leka ho tima molemo oa Molimo le mohau

bathong ba Oona! O batla ho le hlohonolofatsa. O itokisitse, O a hatella. Na le ka nahana ka ho kha metsi ohle lefatšeng, maotle le ntho eohle, le ho a tšela ka phaepheng e le 'ngoe ea maoto a mane le ho e beha holimo moo? Khatello e neng e tla ba botebong ba eona, a leka ho fumana lesobang le lenyenyane ho lutla le teng. Eka khatello ea Moea o Halalelang e le kang ho theohela holima bophelo bo bong le bo bong.

¹⁶² Empa ba ke ke ba e etsa, ba rata litumeloana le lintho ho feta kamoo ba ratang Molimo. U tlameha ho ithekisa linthong tsa lefatše, le ho lumela Molimo. Hoo ho ke ke ha latoloa, le e bone selemo ka morao ho selemo, le nako ka morao ho nako. 'Me Josefa o buile khetlo le leng, "Ha e hlolehe le ka mohlal. E tlamehile e be e le Molimo." Ua bona? 'Me ke tšepiso ea Molimo ea letsatsi lena. E seng 'na; ha ke tšepiso ea Molimo. Ke motho. Ke bua ka Moea o Halalelang oa Hae o leng teng mona. Eo ke tšepiso ea letsatsi, "Hohle, mang le mang."

¹⁶³ Joale, re ba fumana e ne e le bona. 'Me, shebang, 'me re tla nka ho tea mohlala, Balaame. Balaame, o theohile a ruta batho thuto ea hae, 'me ba itse, "Joale sheba, bohle re balumeli, re—re bana ba barali ba Lota, Moabe holimo mono." Ho re, "Bohle re a tšoana." 'Me a ba tsoakanya, a etsa nyallano. A etsa hore basali ba batle ba Moabe, ba ipotlileng sa lipopo kaofela, le ho theohela mona le ho bolella bara bana ba Molimo hore ba ne ba—ba ne ba "tšoana bohle, ebile; Molimo ke Molimo oa merabe eohle, 'me tsohle li lokile." 'Me a ba nyalisa 'moho. 'Me Molimo oa seha mola o arolang, oa etsa hore ba lese malapa a bona le ntho eohle. E ne e le eng? Na le bona ntho eo? Hantle se hlahileng morao koana pele ho moroallo, "Eitseha bara ba Molimo ba bona barali ba batho, ba le batle ho talingoa, 'me ba ba lakatsa ba inkela basali." Ua bona? Ntho e tšoanang e etsahetse mono.

¹⁶⁴ 'Me ho a tšoana le joale! Hape ke ntho e tšoanang. Le loketse ho e bona. Moloko o mong le o mong o bolela se tla etsahala ho o latelang. Ke ena moo e leng teng. Re a e bona. Re a tseba ho a tšoana, hobane Biblele mona e tlaleha e tšoana le mohlango oo. Ho lokile. Joale, 'me hoo hohle ho kenyeletsa, ehlile, le e—e letsatsi leo re phelang ho lona.

¹⁶⁵ Joale, e—e pitso ea letsatsi, sohle se bohlokoa har'a likereke kajeno, ke litho. Ke phetho seo ba se batlang ke litho. Joale bohle re tseba lepetjo la Baptise ka 1944, ha thoe, "Re tla fumana milione o mong hape, '44." Re tseba Moena Billy Graham oa rona ea khabane, ea mosa, re bona sebaka sa hae Lengolong, moo a eang teng, seo a se etsang. Empa kamehla ke "liqeto, ba bangata hakana ba entse liqeto." Mokhatlo oa bolumeli feela, ke phetho seo ba se batlang. Ua bona?

¹⁶⁶ Ho bile joalo matsatsing a Jesu, ntho e tšoanang. Ha se banna ba babe. Ba ne ba foufetse. Ke phetho. Ba ne ba foufaletse 'Nete. Jesu o ba boleletse joalo, ho re, "Lona Bafarisi le Basadusi ba

lifofu, sohle seo le se etsang!” O itse le etsang? “Lona bangoli, Bafarisi, le lifofu!” Ha A re, “Le baetsalibe.” E ne e le baetsalibe, empa seo re se bitsang sebe.

¹⁶⁷ Joale, re bitsa sebe, “Ho feba, ho tsuba, leshano, ho utsoa, lintho tse kang tseo, ke sebe.” Seo ha se sebe. Ke litholoana tsa ho se lumele.

¹⁶⁸ Bibe e itse, “Ea sa lumeleng o se a ahlotsoe.” Ho se lumele Lentsoe, ke sebe.

¹⁶⁹ Shebang banna bao, ba halalelang. Khele, u ke ke ua ba supa ka monoana, ka boitšoaro. Ntatemoholo oa bona, le ntatemoholo-holo, le ntatemoholo-holo-holo oa bona, le bontatemoholo-holo-holo-holo-holo-holo e ne e le baprista bohle. Ba bolokile molao oo le meetlo ea baholo le bontate, ka phetheho feela, ho theoha le moloko. Ho se sekoli ho bona. Holane ba ka etsa, ba ne ba tla tlepetsoa. Banna ba lokileng. ‘Me Jesu o itse, “Le bana ba ntata lōna liabolosi!” Hobaneng? Hobane ba sitiloe ho bona Molaetsa, Lentsoe. O ne a le teng mono.

¹⁷⁰ ‘Me ba itse, “Be, monna enoa o leka ho qhaqha likereke tsa rōna.”

¹⁷¹ A re, “Lona Bafarisi le Basadusi ba lifofu!” O itse, seo A se buileng ke sena, O itse, “Le haola maoatle ho etsa mosokolloa a le mong. Sohle seo le se etsetsang setho se le seng! ‘Me ha le mo kenya mokhatlong oa lona oa bolumeli, ke ngoana lihele habeli ho feta mohla a leng kantle mono.” Ke hantle seo Jesu a se buileng.

¹⁷² ‘Me haeba ntho e sa lokang e le teng le ntho e sa halalelang, ke ho nka setho e leng mokutla oa khale oa kereke se nahanang hore se lokile hona, ‘me ha ba shebe ka letho haese ka ligalase tsa bona. Ha ke nyatse. Empa, e, le ‘na, ke joalo. ‘Me, ke hantle feela. ‘Me Jesu o itse, “Le ngoana oa lihele habeli ho feta mohla le ne le qala.” ‘Me ha re nka likereke, ho sa tsotelehe u kenya litho tse kae kerekeng eo, le ho ba bona ba e-ea litameneng le mabaleng a lipere, le ho ema kantle mona le basali ba tenneng marikhoana a makhutšoane, ba nyolosa-le-ho-theosa literateng, ‘me ba bina sehlopheng sa ‘mino, ke kutu e khopang ka ho fetisisa eo moetsalibe a kileng a ba le eona. Hantle. Ba lebeletse hore batho bao ba ipitsang Bakreste ba phele bophelo bo hlomphehang, e be motho ea fapaneng. Ke mohlala oo. Ke kutu e khopang. Ke moikaketsi eo. Ho hobe makhethlo a leshome ho feta lona pele. Ho ka be ho le molemo holane oa ba kantle joalo ka mehlang ea hau.

¹⁷³ Ha mohla monna a fihla, a re, “Be, ha ba phele ka ho fapana le ‘na. Be, ruri lekhale. ‘Na, ke tla loka joaloka bona.” Ke kutu e khopang. Ke hantle haholo. Ho ba bona ba re, be, moetsalibe ea itseng o a nyoloha ‘me o re, “Jesu o buile sena mona.”

¹⁷⁴ “Ah, e ne e se eona, hoba hoo—hoo ha ho bolele seo. Hoo—hoo, O ne a sa rialo hantle mono. E ne e baletsoe mongoaha o

mong.” Khele uena mosalumele! Ua bona? Molato ke’ng? U beha kutu e khopang tseleng ea motho eo.

¹⁷⁵ Jesu, kapa ke boale ho Lipesalema, Davida o itse, “U se ke ua lula mokhatlong oa basomi, ho ema tseleng ea bakhopo.” Ua bona? “U se ke ua kena tseleng ea bakhopo joalo ’me ua lula mokhatlong oa basomi, ba soma ba lokileng, ’me ba eme hohle ba re e ne e le sebopelo sa borapeli. Empa ea thabelang molao oa Morena, o rata ho o etsa, o tla ba joaloka sefate se lemiloeng pel’a linoka tsa metsi. Mahlaku a sona a ke ke a pona. ’Me sohle seo a se etsang se tla atleha, se tla etsahala hantle feela.” Molimo o batla kereke ea mofuta oo. Baetapele ba fufetseng ba lifofu, ba etsang, matsatsing ana a qetelo, basomi ba tlang, le ba joalo.

¹⁷⁶ Molaetsa oa moevangeli oa nako ea qetelo o tsoa ho Malakia 4. Ke khutlisetso. Molaetsa le moromuoa, bobeli, e tla lokela e be khutlisetso ea Tumelo. Juda o boletse, Bukeng ea Juda, lilemo tse ka bang mashome a mararo feela ka morao ho thakhiso, o itse, “Banabeso, ke le ngolla ka cheseho eohle ho le ngolla ka Tumelo e le ’ngoe, le tle le loanele Tumelo e kileng ea fuoa bahalaleli morao koana.” Le a bona? Le a bona? Malakia o boletse, matsatsing a qetelo, moporofeta oa ho qetela oa Testamente ea Khale, ho re “Pele Letsatsi le leholo le le tšabehang la Morena le fihla, Ke tla le romella moporofeta Elia. ’Me o tla khutlisetsa Tumelo ea bana morao, kapa Tumelo ea bana ho bontate, pejana feela ho nako ea tšenyeho.” Ke eng? Ke Molaetsa o tsoang, Molaetsa le moromuoa oa matsatsi a qetelo, e seng ho ba fihlisa tumeloaneng, empa ho ba rutla litumeloaneng tseo le ho ba khutlisetsa Tumelong ea mantlha ea bontate, bontate ba pentekosta, moo Kereke e tla lokela ho ba teng matsatsing a qetelo. E seng bontate ba Moshe, empa bontate ba pentekosta.

¹⁷⁷ Bontate ba boMoshe e ne e le Malakia 3, “Ke roma lenqosa la Ka pela sefahleho sa Ka, ho hleka tsela pela Morena.” Mattheu 11:6 e bua hona hoo. Jesu o e paka e le mohla A boneng Johanne, ho re, “Le ne le tsoile ho bona’ng, monna ea apereng lik’holloro tse ntle, li fetoletsoe, le joalo-joalo? E seng Johanne.” A re, “Ba aparang joalo ke ba matlung a marena, le mekhatlong ena e mehlo ea liphutheho, ba aka masea, le ho nyalisa, le a tseba, le joalo-joalo, ho epela bafu, le ho nyalisa bacha, le joalo-joalo. Ba morao mono.” Ho re, “Le ne le tsoile ho bona’ng? E—e lehlaka le tsukutloang ke moea ofe? Che, e seng Johanne. Che, che, ha a ka a sisinyeha ha ba ne ba phatloha khahlano le eena.”

¹⁷⁸ Ho re, “Ha u fumane tšebeliso haeba u ka ea mono.” Ho Johanne ha e a etsa phapang ea letho, o tlohile leha ho le joalo. Ua bona?

¹⁷⁹ Ho re, “Le ne le tsoile ho bona’ng, moporofeta?” Ho re, “Ke re, ’me ke ea fetisang le moporofeta! ’Me ha le ka e utloisisa, ke eena ea boletsoeng ke moporofeta, a re, ‘Ke roma lenqosa la Ka pela sefahleho sa Ka, ho hleka tsela,’” Malakia 3.

180 'Me ho Malakia 4, bakeng sa mongoaha oa kereke, O itse, "Ke le romela Elia pele letsatsi leo le fihla." Joale, eo e ne e ke ke ea eba Johanne, hobane lefatše ha lea chesoa morao ho mono 'me ba lokileng ba hatakela melora ea bakhopo. Che. Ke mongoaha ona, Molaetsa o tla tsoa! E tla ba eng? Ho khutlisetsa Tumelo ea batho, Kereke kajeno e tsoang bobolung bona bohle bo fapaneng le 'mele o bolileng, o lemetseng oa mokhatlo oa bolumeli, ho khutlela Tumelong e phelang le ho Molimo o phelang. Esale Molaetsa o tsoeletse lilemo. Ke hantle. Joale ke nako eo re tlamelang ho amohela le ho lumela: boevangeli ba nako ea qetelo ke ho khutlisetsa. Joele o buile hona hoo, "Ke tla khutlisetsa lilemo tsohle tse jeloeng ke lerutlè."

181 Shebang mona. Le sa hopola Molaetsa oa ka haufinyane ka sefate sa Monyaluoa, le a bona, kamoo ba nkileng Jesu? E ne e le Sefate, Seo Davida a se boneng, Sefate se lemiloeng pel'a linoka tsa metsi, tholoana ea Sona sehlang, Sefate se phethehileng ka ho fetisisa. 'Me ba Mo rema ba Mo feha sefateng se entsoeng ke motho sa Roma, e le sesomo. Empa O ile a etsa'ng? Ho tsoha hape ka letsatsi la boraro. O ile a etsa'ng hape? O ile a beha Sefate sa Monyaluoa, monna le mosali joaloka lifate tse neng li le tšimong ea Edene, lifate tse peli. E mong oa bona, sefate sa bophelo, le e mong sefate sa lefu. 'Me O entse'ng? O tllile ho lopolla sefate sena. Ka hona ho tloha A se lopolotse, mane Kalvari, O itokiselitse ho se lema joale. Oh, khili! Ke ikutloa ke halalela ha u rialo, ua bona. Ho khutlisetsa sefate sa Hae sa Monyaluoa, sona se neng se tlamehile ho ba Edene, empa se oele mono hobane se sitiloe ho lumela Lentsoe. Empa mona O tllil'o khutlisetsa sefate se tlang ho lumela Lentsoe! 'Me eitseha a nyoloha ka Letsatsi la Pentekosta, Thuto eo ea mantlha, Tumelo eo ea mantlha, eaba Roma e qala e etsa'ng? Ho romela lerutlè, ho romela seongoane. 'Me e mong le e mong a nka kabelo ea hae ea tholoana, mahlaku le ntho eohle, a e monya kaofela.

182 Empa moporofeta o bone'ng hoo, o itse, "Empa Ke tla khutlisetsa sefate seo, ho bolela Morena." E qalile morao hlabollong. E ile ea etsa'ng? Ho hlophisa. Molimo o se hlaotse, hantle ho Santa Johanne 14, ho khaola mokhatlo 'ohle ho sona. 'Me sa khutlela ho Wesley, sa hlophisa. A se hlaola.

183 "Empa Ke tla khutlisetsa!" Se sa ntse se tla tla. Joale e etsang? Nakong ea mantsiboea ho ke ha ba le mokhatlo. Ho tla ba le e—e hloro. Tholoana e butsoa kae pele? Ka holimo. Hobaneng? E chabeloa ke letsatsi. 'Me nakong ea mantsiboea lipeō li jaletsoe joale sefate sa Monyaluoa oa nako ea mantsiboea. Mohla Sefate sa Bophelo se khutlelang sefateng sa Monyaluoa. Le a bona? 'Me Maseli a mantsiboea a hlahile joale ho nosetsa le ho butsoisa tholoana eo e neng e le sefateng se lemiloeng. Lipeō li jetsoe. Ua bona? Nako ea mantsiboea. Ka baka leo boevangeli ba nako ea mantsiboea e tla ba letšoao la Malakia 4, ho khutlisetsa tumelo ea batho morao Tumelong ea bontate.

E, monghali. Morao Majoeng a moaho! Amen. Morao ho . . .

¹⁸⁴ Kajeno baetapele ba boela ba re, “Lipalo, lipalo!” Seo ba se buileng morao mono mehleng ea Jesu, lekhatheng leo. Jesu o itse, “Baikaketsi ting! Lona Bangoli, lona Bafarisi, le parola maoatle ho etsa mosokolloa a le mong, ho fumana setho se le seng, ’me ha le mo kenya ka hare ke ngoana lihele habeli ho feta mohla a neng a qala.” ’Me kajeno ba tla—ba tla sebelisa libilione tsa didolara le ho etsa sohle seo ba ka se khonang ho etsa setho se seng sa kereke. ’Me, ha u etsa joalo, o mpefetse ho feta kamoo a neng a le kateng kantle mono. U ka mo etsa moikaketsi feela, ho lumella banna ho etsa lintho, ho tsoela ntle lefatšeng le ho tšeha le ho soma Evangeli, le ntho e ’ngoe le e ’ngoe ka mokhoa oo. Ke, le a bona, baetapele ba letsatsi lena ba boela ba re, “Lipalo, lipalo, lipalo!” Hoo, ke phetho se bohlokoa kajeno, ke lipalo, liqeto.

¹⁸⁵ Joale, leo ke lentsoe le leholo kajeno, “liqeto.” Ekare motho a ka etsa qeto ea ho sebeletsa Molimo sebakeng sa ho ingolisa kerekeng. “Etsa qeto, kena, ngola lebitso la hau bukeng,” ho romela sehlophahali sohle sa batho tlase mono, se tla ngola. “Lebitso la hau u mang?” “John Jones.” “Na u amohela Krete joaloka Mopholosi oa hau?” “Yaa.” “U a lumela Jesu Krete ke Mora Molimo?” “Yaa.” Satane o etsa hona hoo, ntho eona eo. Bibe e mo tlalehile joalo. O a lumela ’me o a thothomela. E, monghali.

¹⁸⁶ Empa lona ha le thothomele ha u hlile u lumela, u a nyakalla, amen: “Bohle ba ratang ho hlaha ha Hae.” Joalokaha ke boletse hore motho o mpoella khafetsa, a nthomella mangolo, “Moena Branham, u tšosa batho ho isa lefung, u ba bolella nako ea bofelo e a tla.” Ho tšosa Kereke? Khele, ke ntho e tlotlehang ka ho fetisisa e ka hlahang, ho Khutla ha Morena, nako ea qetelo. Ekare e ka be hlaha hona joale. Ehlile. Be, ke ntho e tlotlehang ka ho fetisisa eo nkileng ka e nahana, ho kopana le Morena oa ka. Kobo ena ea khale ea nama ke tla e lahla, ke tsohe ke hape moputso oa kamehla, ho khutlela ho mohlankana hape, le ho phela kamehla le Morena oa ka, le batho ba heso bohle. Khele, banna! Ha ke nahane ho loana khabareng ea sebe sena le teko, le mahlaba le ho opa tlung ena ea khale ea maloetse mona. Ho siea ntho ena le ho ea ho e—e moqhaka oa ho loka, khele, ke ntho e khanyang ka ho fetisisa eo nkileng ka e utloa! Joaloka ha Moapostola Pauluse a boletse, “Ke loanne ntoea e molemo, ke qetile sebaka sa ka, ke bolokile tumelo ea ka, ho tloha joale ho na le. . . Ke bolokile eona Tumelo, ’me ho tloha joale ke beetsoe moqhaka oa ho loka, oo Morena oa ho loka a tla mpha ’ona tsatsing leo; e seng ’na feela, empa bohle ba ratang ho hlaha ha Hae.” E seng ho *lumela* ho hlaha ha Hae; empa “ho rata” ho hlaha ha Hae, thabo e kakang ho tseba hobane O a tla! Ruri! E, monghali!

¹⁸⁷ Empa kajeno ke “litho,” ke “liqeto,” ke “ho kenya litho tsa kereke,” litho tse ngata hakana. Ke seo. . . Boo ha se boevangeli

ba nako ea mantsiboea.

¹⁸⁸ Joale ke tla khefutsa motsotso feela, 'me ke batla ho bua le lona ho tsoa pelong ea ka. Ke tšepa ke sa—ke sa le tšoarella halelele haholo. Ke... Ke saletsoe ke metsotso e supileng, e robeli, 'me ke batla ho bua le lona ho tsoa pelōng ea ka.

¹⁸⁹ Na hoo ha se 'nete joale, “Liqeto, ingolise kerekeng. U tlohele kereke ea Methodise u tle u ingolise le rōna, Baptise. Kapa, u tlohele Baptise 'me u tle u ngolise ho rona, Methodise, Presbeteriene, Luthere”? Katolike e nka tsohle, le a bona. “Setho, setho, setho, setho, liqeto, liqeto.”

¹⁹⁰ Majoe a thusa'ng ha u se na setei sa majoe ho a betla? Maipolelo ke majoe. Mohla Petrose a ipolelang, Jesu o itse, “U Petrose, lejoana.” Empa lejoie le thusa'ng ha ho se 'metli oa lejoie mono ho le betla ho ba mora oa Molimo? Le mpa le bokella qubu ea majoe. Na ho joalo? Ha le thuse letho. Le a bona? Metsi a hohla lejoie. Le a bona, ke hantle, bao ke batho. Majoe a thusa'ng ha u se na setei sa 'nete sa majoe se nang le sebetsa se bohale se nchocho hore a mo bōpele ho khohlela sebakeng se loketseng ka Tlung ea Molimo? Ke batla ho le botsa feela, liqeto li thusa'ng, ho ngola lebitso la hau bukeng ho thusa'ng? Ho tla ingolisa le kereke ho thusa'ng, ha sehahi oa majoe se le sieo mono se tla betla hore ba lese *sena* le *sane*, le ho ba khaola le ho ba etsa bocha ka tsela Ena, le ho a tsepamisa le ho ba etsa joaloka Bakreste ba lutseng Tlung ea Molimo, ka mehlolo e latelang balumeli?

¹⁹¹ Boo ke boevangeli ba nako ea qetelo, ho nka majoe le ho a bopa. Le a bona?

¹⁹² Majoe a ka thusa'ng ha u ka a bokella feela? Ho a lesa a robetse mono, a ka etsa molemonyana kantle mono ho feta ho a bokella 'moho. A ka hlokahala kantle mono, 'me ha ho le le leng la ona kantle mono. Le a bona, ke hantle. Lejoie ha le thuse letho kantle ho sebetli sa majoe.

¹⁹³ Jesu o bala semelo, e seng litho. Na le tseba seo? O bala limelo. Esale Molimo a leka ho kenya monna a le mong letsohong la Hae. Ke phetho seo A se hlokang, ke monna a le mong, 'me O tla etsa mosebetsi oa Hae lilemong. Nahanang feela, O ne a ka fumana monna a le mong ea lokileng nakong ea Nohe. Mehlang ea Moshe, O fumane monna a le mong feela ea lokileng.

¹⁹⁴ Shebang Samsone. Ua bona, Molimo o ka sebelisa seo u se nehelang ho Èena feela. Samsone e ne e le monna e moholo ea matla, a ruile matla a mangata. Samsone o nehelane ka matla a hae ho Molimo, empa a hana ho nehela pelo ea hae. A neela pelo ea hae ho Delila. Le a bona? Ho joalo le ka batho kajeno. Oh, moena, ba tla nanabela ba lefe melato, le lintho tse kang tseo, 'me ba hahe mokhatlo o moholoanyane, le lintho tse joalo, empa, ha ho fihloa ho nehelana ka pelō ea bona, ba ke ke ba e etsa. Ke hantle. Ho thusa'ng...

195 Petrose o ne a tšoare sabole. A tsumula sabole eo, a tla khaola litsebe tsa moprista e moholo, le lintho tse kang tseo, o e entse. Empa ha ho fihloa sebeteng sa sebele sa Mokreste, o ne a se na sona. O ile a checha a Mo latola. Na ho joalo? A ka poma tsebe ea moprista e moholo ka sabole ea hae, ehlile, o tsebile mokhoa oa ho e tšoa. Empa mohla khatello le nako ea ho ema holim'a Lentsoe la Molimo, a se na sebeti, 'me a latola hore o tsebile Jesu.

196 Ke hona moo e leng teng kajeno. Re sebeti ho haha meaho le ho kenya dimilione tsa didolara ho eona. Re sebeti sa ho kenya liogono tsa phaephe le litulo tse bonolo, le ntho eohle, le ho tsoa le ho sokolla batho ho tloha sebakeng ho ea sebakeng, le ho fetola Methodise Baptise, le joalo-joalo, morao le pele joalo. Empa ha ho fihloa sebeti sa Mokreste, ho amohela Lentsoe, Molaetsa oa Molimo, le ho ema mono holim'a Oona, re ba 'maloa. Ka hona majoe a lona a thusa'ng kantle ho sebeti sa majoe hape? Na ha ho joalo?

197 Molimo o batla semelo, e seng lengolo la botho. Semelo! Eliesere, mohla a ne a tloha ho ea lata Monyaluoa oa—oa—oa Isaaka, o ile a fufuleloa ho fihlela a fumane semelo. Hopolang, Abrahama o ile a mo jarisa boikarabelo joaloka ha Molimo a re jarisa boikarabelo, ke hantle, rona bareri. "Tsomang Monyaluoa oa Ka!" Molimo a hlohonolofatse pelō ea hau. Ha ke batle litho, ke batla ba hloekileng pelōng, ua bona, motho ea tlang ho lumela Lentsoe.

198 Eliesere a sheba, 'me a nahana, "Oh, nke ke ka etsa sena ka bonna. Boikarabelo bo bongata haholo. Ke elleloa boikarabelo ba ho fumanela Isaaka. . . ." Etsoe, e le papiso ea Kereke, lea tseba, Krete; Rebeka, papiso ea Monyaluoa. 'Me Eliesere a khumama ka mangole a hae a re, "Molimo, U—U tlameha ho nthusa feela." 'Me eitseha a lebisa ho Molimo, Molimo oa mo thusa. A fumana semelo.

199 Khutlela Lentsoeng, moena. Khutlela ho Molimo. U se ke ua tsotella kereke ena eo u leng setho sa eona. U ka lula mono ha u batla, ha ba ka u lumella. Empa, ntho ea pele ho etsoa, ke, ho tla ho Molimo. Ke hantle. Bona ke boevangeli ba nako ea qetelo. E, monghali. Semelo!

200 'Me hoba a fumane, 'me eareha Eliesere a fumana semelo se neng se ahile ho mosali, Rebeka, monyaluoa e motle oa Isaaka, o 'moleletse ka Isaaka. 'Me ha a ka a botsa letho. O lumetse lentsoe la moromuoa, 'me a itokisetse ho tsamaea. 'Me ba tloha, ba botsa ntate, a re, "Mo botse feela, ngoanana o holile. Mo botse, ebe qeto ea hae."

201 A re, "Ke tla ea." Ho eng? Monna eo a eso 'mone, a sa tsebe letho ka eena. Empa koana o ne a itokisitse, hobane o ne a reroe pele 'me a reretsoe hoo. Hantle haholo.

202 Na le lemohile mosali ea hlatsoitseng maoto a Jesu? Ha a ka a kopa lehlohonolo. A mpa a sheba mono feela. 'Me teng,

moikaketsi eo a leka ho Mo soma, ho tlotlolla semelo sa Hae. Esale ba leka ho etsa hoo, ho Mo nyenyefatsa. Batho ba bang, le a tseba, ba Mo latetse ho etsa hoo feela. Ba ne ba tla re, “Joale, sheba mona. Moruti ea Molemo, rea U tseba u monna e moholo oa Molimo, ha U tšabe letho. Na re lokela ho lefa Sesare lekhetho?” Le a bona? Lintho tsohle! Hono, ho leka feela ho fumana ntho e ka silafatsang Lebitso la Hae, ho le silafatsa. ‘Me Mofarisi enoa a Mo memela tlase mono ho ja tinare, mokha oo oa bolumeli o tsebile ba tla Mo memela mono, ba ne ba koetlile nthoana ka kobong nqa e ’ngoe. Joalokaha motho ea bechang a ka re, “Ho cheha leraba.” Ba ne ba amana ka ho hong.

²⁰³ Ha u bona motho ea joalo, ea u hloileng, morero oa hau bakeng sa Kreste, ‘me ba u kenya kahare, ke ho u monya chelete e ngata, kapa ho etsa ho hong, kapa ho u sebelisa ka mokhoa o itseng. Le a bona? Ha ho . . . Ba ke ke ba lumela Molaetsa. Ba u beile mono bakeng sa ntho e ’ngoe esele. Le nahana eena Kreste eo ha a lemohe ntho e tšoanang kajeno? Ruri, O etsa joalo.

²⁰⁴ Empa ba Mo kenya ka mono, ‘me ba re, “Joale re tla e paka.” Le ho Mo khutlisetsa morao mono le ho Mo lumella ho kena a nkha, a sa hlatsoa maoto a Hae, a sa Mo amohela. Ho lula ka mono, moo ba neng ba tsamaea ka liaparo tseo, lea tseba, ho kenya ntho eo moo lipere le lintho li hatileng tseleng matsatsing ao, litselana tseo tsa khale. Bohle ba tsamaea ka ho tsoana. Kobo e khōlō eo e thonaka lephoka leo, ‘me le le holim’a Hae, ‘me e nkha ke lerōle le lintho tse tseleng. Le monko oa khale, joalo ka lijareteng tsa moliko le lintho tse ling. ‘Me le le holim’a Hae, ho ea ntlung ea moeti ka limmete tse kholohali tsa chenille fatše, ntho e ’ngoe le e ’ngoe. Ba ne ba nkile setlolo sa mofuta, ba—ho ba ne ba hlatsoa lifahleho tsa bona ba hlatsoa maoto a bona, le ho ba fa para ea li-slipara tsa kamore, joalo, le ho phahamisa meqathatso ea bona. Eaba o kena ka mora hoba a apare le ho ikhabisa, ‘me a lokise moriri oa hae, ‘me a kene. Ebe u kopana le bamengoa ba hau, ‘me ebe—‘me ebe u—‘me ebe u—u a ba lumelisa u a ba kopela. Ba hamarelana molaleng, ba akana molaleng. Le a bona? Joaloka ha le bone ‘na le Joseph nakoana e fetileng re kopelana ka matsoho, re phathatsana. ‘Me ba akana molaleng. Empa Mofarisi eo, hoba a Mo memele ka mono, ‘me O ne a lutse morao mono, ha ba ka ba hlatsoa maoto a Hae, ha ba ka ba Mo etsetsa letho, ba Mo tlohela a lutse mono ho Mo soma feela.

²⁰⁵ Empa seotsoa se seng se futsanehileng se senyehileng, a fumane linikele tse ‘maloa tseo a li sebelelitseng ka ntle mono boitšoarong ba hae bo bobo ba ho phela, sa ‘Mona a lutse mono. ‘Me likeleli tse khōlō tsa theoha marameng a hae. A theohela mono a reka lebokose la alabastere, ka chelete eohle ea hae. A nanya a kena ka tsela e itseng ‘me a khutlela morao mono, ‘me a itihela maotong a Hae, ‘me a qala a lla, moriri oa hae oa lepella. ‘Me—‘me o ne a lla ‘me a nke ntho ea hae. . . Ba se na thawele ea ho hlatsea maoto a Hae, ‘me o ne a nkile moriri ona ‘me a

phumula maoto a Hae. Metsi a matle hakakang a maoto a Hae, likeleli tsa moetsalibe ea bakang! 'Me holane A sisinya leoto la Hae feela, a ka be a qhometse holimo. A sa kope letho, a mpa a bone hoba e hloka ho etsoa.

²⁰⁶ Na re ke ke ra etsa joalo kajeno? Khele, ha re kope letho. E hloka ho etsoa, Evangeli e hloka ho boleloa. Leha re ka fumana peni, kapa eng feela, ha e etse phapang ea letho. Ha ke eso phuthe monehelo bophelong ba ka. Ena ke tlhoko. Ona ke morero. Ho arohana, 'me likereke li a u hloea, le ntho eohle esele, li a u leleka, le metsoalle e 'maloa feela eo u e bokellang 'moho. Empa ke Molaetsa. O loketse ho tsamaea, ho sa tsotelehe. Ha ke eso ipehe rading le mananeo a maholo a thelebishene moo ke tlamehang ho qela chelete bathong. Nke ke ka khona. Ke batla ho ba moena oa lona. Ke batla ho ea moo Molimo . . . Haeba batho ba bahlano ba le teng mona, e-ea mono. Ho ea mona, haeba milione o le teng, Molimo o tla ntokisetša tsela ea ho ea. Ke phetho. E phele ka tumelo feela. Bohle re tlameha ho sebetsa joalo. 'Me, ho lebohuoe Molimo, bongata ba bona bo a e etsa, le a bona, ka ho tšoana. Ke 'nete, ba e etsa.

²⁰⁷ Shebang mosajana enoa. Jesu ha a ka a sisinya leoto. Shebang Mofarisi enoa oa khale ea emeng tlase mono, ho re, a leka ho Mo soma joale, ho re, "Joale, holane E ne e le moprofeta, O ne a tla tseba mofuta oa mosali ea hlatsoang maoto a Hae. Ua bona? O ne a tla tseba mofuta oa mosali ea Mo teetseng hare. Le a bona, ke Eo moo a leng teng, hoo ho supa sehlopha seo A sebetsang le sona." Ke thabetse hoo haholo. Yaa. O tsebile. "Shebang mono mofuta oa sehlopha sa batho se nang le Eëna. Rona re batlotlehi. Re litho tsa kereke. 'Me, sheba, moetsalibe eo oa khale ea nang le Eëna kantle mane, mosali eo, rea mo tseba ke mang, o tsamaea seterateng. O a . . ." Le tseba seo ke buang ka sona. "Ka hona mono, e ne e le mosali oa mofuta oo. Sheba, sheba, ke mofuta oa batho ba Mo salang morao." Ke thabile haholo. Ke thabile haholo.

²⁰⁸ Ke seo ke neng ke le sona, le a tseba. Ke ne ke le mofuta oo oa batho, ke sa loka, moetsalibe. 'Me le e mong le e mong oa lona o a tšoana, ea sa tlang ho Eëna. Ha u tle ho ba setho sa kereke feela, u tla hobane ntho e tlameha ho etsoa. Jesu o hloka ho sebeletsoa, motho o tlameha ho ba teng mono. Ha re e etseng. Ha a ka a kopa, "Morena, na U tla ntlhohonolofatsa, na U tla etsa *sena*?" Che, o mpa a hlatsoa maoto a Hae feela a a hlakola ka moriri oa hlooho ea hae. U a tseba, ba bang likhaiseli tsa rona li tlameha ho ema ka lihlooho ho thola moriri o lekaneng ho hlakola maoto a Hae.

²⁰⁹ 'Me mangetse a hae a matle ke ao a lepeletse, 'me a phumula maoto a Hae. 'Me "*kako*" o ne a aka maoto a Hae "*kako*" ka linako tsohle joalo. Jesu a lula feela a mo shebile. Ha A ka a sisinyeha le ka inchi. Ka mora nakoana, hoba a qete, A retoloha.

²¹⁰ Ho ne ho le Simone oa khale ea emeng mono le mokhatlo

ohle oa baruti, a re, “Le a bona! Ha! Ha! Ke Eena eo. Le a bona, ke moo, hoo ho supa seo A leng sona. Ha se moporofeta. Mo shebeng!”

²¹¹ A reteleha a re, “Simone!” Oh, kea kholoa sefahleho sa hae se ne se tleretse. A re, “Ke batla ho u bolella taba. U ’Memile mona. Ua bona? Ha Ke ne ke kena monyako, ha u Ntlhatsoa maoto, ha u a ka oa Nkamohela ka kako, ha u a ka oa Ntlola hlooho. Ua mpa oa ema mono feela, le ho leka ho Ntšoma. Ua bona? U Ntlisitse mona ka morero oo. ’Me mosali enoa, haesale Ke fihla, haesale Ke fihla, ha a phetse ho hlatsoa maoto a Ka ka likeleli tsa hae, a a hlakola ka moriri oa hlooho ea hae. ’Me ha a phetse, ha o a aka molala oa Ka, empa o aka leoto la Ka.”

“U ne u sa lebella letho, ha ke re, khaitsetsi?”

“Che.”

²¹² “Empa Ke re ho uena libe tsa hau, tse ngata, li tšoaretsoe tsohle.” Uh-huh. Yaa. Le a bona? Ho theosa joalo keha a se na letho ho hang, empa tšabo feela ea hoba o ne a sa etse ntho e nepahetseng, mohlomong, empa e ne e hloka ho etsoa, empa moputso oa hae oa fihla qetellong.

²¹³ Le ka nkutloa ke rera Melaetsa ena. U ka bona Moea o Halalelang o senola le ho etsa lintho tse kholo, le ho etsa mehlolo. U ka rapela, ’me e ke ke ea etsahala. Tsoelapele, moputso oa hau o fihla qetellong. Na ho ke ke ha ba molemo hantle mono? Yaa. Ua bona, sebeletsa Jesu. Oo ke Molaetsa oa nako ea qetelo. O ne a ena le Monyaluoa. Molimo o batla semelo. ’Me hoba Eliesere a fumane semelo, ntho e latelang ea eba ho mo hlophisetsa ho tsamaea. Ho a tšoana le joale, moena, ho a tšoana le joale. Molaetsa oa nako ea qetelo ha o kantle koana kahara Babilona.

²¹⁴ Ke hona moo ke u boleletseng teng, Joseph, mohla moenanyana enoa oa ka oa Moswedene a neng eme kantle mono ’me a bea hlooho ea hae lehetleng la ka tsatsi le leng ’me a lla joaloka lesea. A re, “Moena Branham, Molimo o nthometse mona, Chicago, o itse ke tla bona Chicago e sisinnoga le leng la matsatsi ana.” ’Me a re, “Joale ba nteleka. Ba nkamoha kereke ea ka tlas’a ka, kereke e kholo, e ntle ka ho fetisisa Chicago.” Ho re, “Ba nka kereke ea ka, ’me ke bana ba nteleka. Ba nvoutetse kantle. Ha ke tsebe seo nka se etsang.”

²¹⁵ Ka re, “Joseph, Molimo ha o bue leshano.” Ka re, “U bone Chicago e reketla. E qalile New York City ha ke ne ke u bona mono, hobane ba hanne ho sebetsa ’moho le uena, ka hana le ho ea.” ’Me ke sa mo tsebe, empa ntho e ’ngoe ka eena e nkhetsetse ho eena. Ha ke bue sena ka baka la kopano ea hae ea boromuoa bosiuung bona. Empa, e ne e le ’nete, ke ile ka huleloa ho Joseph. Ka hana ho ea Chicago, hoba ba ne ba sa mo lumelle ho tla, ba sa mo lumelle ho kena tšebelsetsong. Ka re, “Le ’na ha ke tsamaee.”

Ho re, “Ha u mo tsebe.”

216 Ka re, “Kea tseba ha ke mo tsebe, empa Molimo o a mo tseba. Ke mohlanka oa Molimo. ’Me, ho ’na, o itoketse.”

’Me eaba Joseph o re, “Ekare nka bona Chicago e reketla.”

217 Oh, khili! Ho se lemohe hobane ho reketla ha eona ha ho bolele libeso tseo tsa likanono kantle mono. Ha e bolele litšila tseo tse tla timetsoa ka ntle mono. Kereke e a sisinyeha. Le a bona? Ho ne le ba lekholo le mashome a mabeli feela ho tsoa ho limilione, phaposing e ka holimo, mohla tšisinyeho e ne e fihla. Ke hantle. Ehlile. Ke tšisinyeho, ke batho. Eona. . .

218 Shebang, mohla ba ne ba tšoere tsoseletso e khōlō eo, Apolose enoa, moreri oa Baptise ea neng a eso amohela Moea o Halalelang, a eso kolobetsoe ka Lebitso la Jesu Krete. Pauluse o haola mabopong a ka holimo a Efese, o fumana kereke e matla ena eo Bibe e buang ka eona, ’me a ea koo a ba bolella tsela ea Morena. ’Me ba re. . . A re, “Na le amohetse Moea o Halalelang ho tloha le lumetse?” ’Me ba ne ba hoeletsa ’me ba nyakaletse. Ho re, “Na le amohetse Moea o Halalelang?”

Ho re, “Ha re tsebe hoba o mong o teng.”

Ho re, “Ebe le kolobelitsoe joang?”

Ba re, “Re kolobelitsoe tlasa Johanne.”

219 A re, “Hoo ha ho sa sebetsa. Le loketse ho kolobetsoa hape.” ’Me a ba kolobetsa bocha, ka Lebitso la Jesu Krete. ’Me a ba bea matsoho, ’me Moea o Halalelang oa theohela holima bona. Ba bua ka lipuo ’me ba porofeta. ’Me ba ne ba ka ba robeli kapa leshome feela. Ke hantle.

220 Ho reketla! Ua bona, Molimo ha o reketlise hoo, lihele li tla reketlisa hoo ha li e amohela. Empa Molimo o reketlisa Kereke ea Oona.

221 Lengelo le leng le tšile ho Abrahama le sehlopha sa hae holim’a thaba, ’me la etsa mohlolo, ka ho senola mehopolo e neng e le ka pelong ea hae. Na ho joalo? ’Me Sara ka hare. Athe, mangelo a theohetseng Sodoma a ne a tšoere likete tlasa mono. Le a bona, tšisinyeho e kena sehlotšoaneng. U e bone, Joseph. U bone Chicago e fumana pitso ea eona ea ho qetela. Ke hantle. ’Me Molimo o u hlomphile, ho etsa hantle seo A se boletseng. Ho hlophisa Monyaluoa, ke seo e leng sona.

222 Joale re tla koala hantle mona, ka ho bua sena. Molaetsa oa nako oa qetelo ke ho lokisa Monyaluoa le ho itokisetša Hloibilo. O ka etsang? Ho latela Malakia 4, ke ho ba khutlisetsa Tumelong e kileng ea neoa bahalaleli. Ho ba khutlisetsa Tumelong ea bontate, karolo ea pentekosta, nakong ea khutlisetso. “Ke tla khutlisetsa, ho bolela Morena.” Ke ketsahalo ea mannete eo, boevangeli ba nako ea qetelo.

223 Joale ke batla ho bua mantsoe a ’maloa ana pele ke koala. Ke tlotse Mangolo ana a mang, ’me mohlomong ka nako e ’ngoe nka fihla ho oona. Empa ke batla ho bua sena. Re lumela re nakong ea

qetelo. Re a e lumela. 'Me leha koana e ka re ke nakong ea qetelo, nakong ena, Molaetsa le Moromuoa ba se ba batla ba robiloe. Ekare Satane o lekile ka hohle ho re timetsa. Moena Neville, kotsi ea hae; Moena Crase mono; 'me sethunya se phatloha. Le a bona, ekare, 'me hona joale ha kereke e 'ngoe le 'ngoe kantle mono e ntlhoboha. 'Me, le a bona, le a bona, ekare e—e batla e pshatlehile. Ekare re hlotsoe. Le se ke la tšoenyeha. Le a tseba, ka tloaelo ke mohla Molimo o kenang temeng, ka ntho eo esale A e shebile nako e telele. Le hopole.

224 Le sa hopola mohla bana ba leng tlase seboping sa mollo, ba ne ba tiiselitse Lentsoe leo ka 'nete. Ntho e 'ngoe le e 'ngoe ea fosahala. Ba ba hlahlala chankaneng. Ba ba boloka bosiu, ba ne ba tla ba chesa hoseng ho hlahlamang. 'Me ea ka bofelo bo haufi, ba ne ba nyolohela seboping. Empa A theoha a kaletse ho fetola, tema eohle ea fetoloa ka motsotsoana feela.

225 Kamehla ke linakong tse tse fokolang, ha eka Molaetsa oa 'nete o se o batla o hlotsoe, ke mohla Molimo o kenang. O—O lumella Molaetsa le moromuoa ho fihla qetellong ea tsela, le a bona, ebe O a kena 'me O kalla maqhubu a phahameng. Ke hantle.

226 Hopolang, e ne e le Jesu, mohla lira tsa Hae li hopotseng li Mo hlotse, mosalumele o itse, "Re Mo thakhsitse." Basadusi le Bafarisi ba neng ba Mo hloile ba Mo feha sefapanong, ba nahana, "Re Mo fumane joale." Huh-uh. E ne e batla e le ka nakong eo ha Molimo a kenang temeng, ho Mo tsosa hoseng ha Paseka, le ho pshatla mebuso ea Satane, ho hlobolisa lihele, ho nka linotlolo tsa lefu le lihele, le ho nyoloha le tsona. Ehlile, e ne e le nakong eo ea bofokoli. Molaetsa oa Hae, O ne a rerile Lentsoe, A eme le ona, le ntho e 'ngoe le e 'ngoe, eaba ke motsotso oo o fokolang ruri mohla tlhlole e fihlang. Hoba A etse tsohle tseo A neng a ka li etsa, ebile Molimo o a kena. A fetola tema.

227 E ne e le Jakobo ea balehang Esau, ho phonyoha *mona* le *mane* (koana ho . . .? . . ., le ba fapaneng) ho leka ho ipatela Esau. Eaba pelo ea hae e qala e labalabela ho ea hae. 'Me tseleng ea hae e eang hae, a roma baromuoa, a romela menehelo le ntho eohle esele, ho leka ho kokobetsa Esau. Empa ke mohla Jakobo a na fihla pheletsong ea hae, ke mohla Jakobo a na sa tsebe a lebe nqa efe. A tšelisa mohatsa'e le bana e—e metsi, 'me a tšela e—e molatsoana. E ne e le mohla Jakobo a betaneng bosiu bohle, ho fihlela matla a hae a felile, 'me a holofetse a fokola, 'me 'mele oa hae o robehile. E ne e le ka nakong eo ha Molimo o kena o kaletse temeng. Hoseng ho hlahlamang, re mo fumana e le eng? Khosana e se nang tšabo, ka mora bofokoli ba hae. A bonahala a hlotsoe. Empa re mo fumana e le khosana e se nang tšabo. Molaetsa o ne o tsoeletse, 'me moromuoa o ne a e-na le oona. Ke hantle haholo. E ne e le khosana e se nang tšabo tsatsi le leng.

228 Esau, esita, mohla a neng a mo hloka hampe, Esau, mohla a

kōpaneng le eena. 'Me le hopole, nakong eona eo eohle Molimo o sebelitse pelong ea moena oa hae, hape. Ke hantle. 'Me Esau a tla ho eena, a re, "Ke na le mabotho mona." Ho re, "Ah, u a fokola, Jakobo. 'Mele oa hau o lemetse. U robehile." Ho re, "Ke—ke—ke. . . Ke tla romela masole ho u sireletsa," hantle mohla a ba hlokgang.

²²⁹ Empa o ne a fumane ho hong. Ho re, "Ke tla ea ke le mong." Amen. Ke mohla a neng a hlaphoheloa bofokoling boo, o ne a hlaphohetsoe letsoalong leo.

²³⁰ Eitse hobane Jesu a hlaphoheloe letsoalong la lefu, O ne a le matla ka ho fetisisa, A ka haola a feta mohahong a sa sisinye le seretse sa lejoe. A ka ja hlapi le bohobe. Amen. Oh, e. E ne e le mohlang oo, hoba bofokoli bo fihle, a iphihlela a le matla. E ne e le hoba bofokoli bo fihle.

²³¹ 'Me hona joale ekare ke bofokoli bo boholo ho Molaetsa le moromuoa 'moho. Empa le se tšoenyehe! Kae-kae, ha ke tsebe joang, empa ke a Mo tšepa. O tla tla a kaletse temeng tsatsi le leng. Le se tšoenyehe. Ha re tsamaeeng 'moho. Ha re inamiseng tsa rona—ha re inamiseng lihlooho tsa rona 'moho. Boevangeli ba nako ea mantsiboea.

²³² Oho Molimo, esale Maseli a maholo a mantsiboea a chabile nakoana. Re U bone u haola lipakeng tsa litulo tsena mona, ho tlisa bao e neng e le liriti tsa banna le basali feela, ba jeloe ke mofetše, ba foufetse, ba kula ba le mahlomoleng, lingaka tse tsoang esita le ho ba Mayo le hohle li ba tetse. Joale ba lutse mona hoseng hona, 'me bongata ba bona bo phetse hantle 'me bo matla. E seng mona feela, empa lefatše ho pota. Basali ba buseletsoa bana ba bona bopheleng, hoba ba shoe lihora. Bana ba bolaoa tseleng, ke makoloi, ba tlalehoa ba "shoele" ba rapaletse kantle, ho se lesapo le phelang ho bona; 'me ka nako ea motsotso o tsamaea tseleng, o rorisa Molimo. E, Morena, U Molimo. Nako ea mantsiboea e fihlile. Lipeō tsa boevangeli ba mantsiboea li jetsoe, Ntate, 'me joale ekare e batla e le nako ea boqhoala. Bongata ba bana . . .

²³³ Mohla U ne u fihla temeng lekhetlong la Hau la pele, bao bohle, "Moporofeta e mocha eo oa Galelea!" Oh, bohle ba ne ba U teetse hare. Empa eitseha U qala u ba otlala le ho ba bolella ka litumeloana tsa bona le—le lintho, eaba ba tloha ho Uena. Ua tlameha ho ema u le mong. 'Me qetellong ba U isa Kalvari. Ea ka ba hapile, ea ka sehlopha sa bona—sa bona se sehlo sa hlalefo se hlotse morero oa Molimo. Empa, oh, che! Hoseng ha Paseka lefatše la tšoaroa ke serame sa methapo, lebitla la buleha 'me Mora Molimo a tsoha. O ne a tšoere linotlolo tsa lefu le lihele. O ne a tšoere kolobetso ea Moea o Halalelang litokelong tsa Hae ho li nehela mohlang oo. O boleletse Kereke ea Hae, "Nyolohelang Jerusalem le eme, 'me Ke tla O romela holim'a lona, 'me le tla Mpaka ho fihlela Ke khutla hape."

234 'Me eaba Ua ema 'me oa ba bolella kamoo ho tla fihla nako, 'me ke rona bana nakong ea qetelo. Morena, tloo u kaletse hape, na U ke ke, Ntate? Re a khathala, re felile matla. Motho o re latotse hohle, mekhatlo ea malumeli eohle e re latotse. Koana California, bahalaleli bao ba theko e thata ba eme kantle mono ba lla, likereke tse mashome a mane, 'me moetapele a le mong eo a ema a re, "Be, haeba a kolobetsa, a sebelisa Lebitso la Morena Jesu, ha re mo batle." Le ho tlosa Evangeli ho batho bao ba futsanehileng ba lapileng.

235 'Me, Ntate, ka re, "Tloo kopane le 'na ka Lengolo," 'me a hana ho e etsa. Hobaneng? O tseba hantle ho feta. Ntate, hobaneng—hobaneng bahetene ba befetsoe 'me batho ba nahana ntho ea lefeela? Ruri ka ho otlolla letsoho la Ngoana oa Hau ea Halalelang Jesu, ho folisa bakuli, le ho bontša lipontšo le meeka ea bofelo. E boetse e iphetile, Morena. Ke a ba rapella. Molimo, se ba lese ba lahleha. Bongata ba bona ke banna ba lokileng ka mono le joale. Aba sena, Morena, ba tle ba bone 'me ba tsoe.

236 'Me phutsehonyana ea rōna hoseng hona, Ntate, ha re tsebe lipelō tsa batho. Uena u a tseba. Sehlotšoana sena mona. Ke tsoela mono hantle, leha ho le joalo. 'Me joale pele re tloha kerekeng, Morena, sehlotšoana sena se jakileng mona, ke bajaki. Ha ba ipolele e le ba lefatše lena, Morena. Ke basele. Ba tsoetsoe labobeli, ke libopuo a tse ncha. Ba tlohile linthong tsa lefatše, ho sebeletsa Molimo, ho tseba hobane, "Ha re lakatse maruo a lefeela a lefatše lena a bolang ka potlako. Litšepo tsa rōna li hahilo e linthong tsa Bosafeleng, li ke ke tsa feta le ka mohla."

237 Ntate ea Maholimong, ha ho ka ba le a le mong kapa ho feta har'a rona hoseng hona ba esong ho ikutloe ba tlameha ho ja mothinya oo, ke U rapela ho bua le lipelō tsa bona nakong ena. 'Me ka mosa le ka boikokobetso, lipelōng tsa bona, ba nehele tsohle ho Uena, le ho re, "Morena Jesu, nkhahele, 'na moetsalibe. Ha ke batle ho shoela maamong a ka a joale. 'Me ha ke tsebe haeba ke tla phela esita le letsatsi lohle, na hase bothoto ho senya nako ea ka linthong tsa lefatše!" 'Me ntho e 'ngoe le e 'ngoe mona e tla timela, 'me batho ba tla timela le lefatše. Empa Molimo, Ntate Rabosafeleng, a ke ke a timela, le batho ba Hae ba ke ke. Ba ke ba E amohele joale, Ntata rona ea Maholimong.

238 Halaletsa lisakatuku tsena tse robetseng tsa bakuli le ba mahlomoleng. Ba itse ba nkile lisakatuku le liaporone, tse amileng 'mele oa Pauluse, meea e mebe ea tsoa ho bona. Folisa bakuli ba hara rona hoseng hona. Ke rapela ho se be le motho ea fokolang har'a rona.

239 Moea o Halalelang o moholo o haole har'a letšoele joale, 'me mang le mang a eelloe Boteng ba Hae. 'Me joalokaha ke qotsitse tšimolohong, ha sefefe se hlaha lehlabula le ommeng, meea esale e omme e chesa, lerole le ntse le pheuleha, empa, hang feela, re utloa lialuma, re bona leru le nyoloha. 'Me ke itse letšoao

le lefubelu le theohile, O a tla. 'Me re utloa moea o pholileng, kamohelo ea Moea o Halalelang ha O tsamaea libakeng tsa rona tse omeletseng. Re thuse kajeno. Pholosa ba lahlehileng. Tlatsa ka Moea o Halalelang, Morena, ka potlako, pele maseli a tima, hoba letsoao le se le theohile. Sekepe sa khale sa Sione se kene libolokong joale, 'me ho se ho se hokae se tla be se bitsa. 'Me, hang feela, ba tla phatlalatsa pampiri, "Ho etsahetse'ng? Ho nyametse makholo a batho sechaba ka bophara."

²⁴⁰ Oho Molimo, e tla be e le morao haholo ho ba bang bohle, Hloibilo e tlile. Kahlolo e tla otlala lefatše, ba lokileng ba tla be ba falletse. Ebe ba ea mabilteng, le ho re, "Be, na ha ho a . . . Na ba butse lebitla lee? Be, ho etsahetse'ng mona?" Oh, eo ea tšepileng Molimo, ea shoeleng lilemong tse fetileng, o tla be a faletse. "Hape, oh, ke selo se se kakang le lillo ha ba lahlehileng ba bolelloa kabelo bona. Ba tla hoeletsa mafika le lithaba," ho latela Mangolo, "ho rapela, empa lithapelo li morao haholo." Ho se be joalo ka mang ea leng teng mona kajeno.

²⁴¹ 'Me re sa inamisitse lihlooho tsa rōna, le lipelō tsa rōna li inamisitsoe, hape. Ke motho ea hlolang haholo ka ho memela batho lialetareng, ke lumela e se thuto ea boapostola. Ke lumela hantle moo u lutseng teng u etsa qeto ea hau, hore u hlile u batla ho phela kapa ho shoa. Ke lumela hore ho ho uena. 'Me haeba ho na le motho mona ea e-s'ō ka a e bona ka tsela eo, le ho elelloa hora eo re phelang ho eona, 'me u ka rata ha nka u hopola thapelong, hore u batla ho ba Mokreste, 'me u batla ho ba joaloka Krete bophelong ba hau le ho itokisetsa ho tla ha Hae, na le ka phahamisa matsoho a lona hohle ka mohahong. Morena a u hlohonolofatse, le ho u hlohonolofatsa, le ho u hlohonolofatsa, le uena, le uena. Molimo a u hlohonolofatse morao mono ka morao, a u hlohonolofatse tlase mona. Ke botle. Molimo a u hlohonolofatse, leleiti le lecha, hantle makōpanong a litsela tsa bophelo, khaitseli. Ke qeto e khōlō eo. Mohlomong u entse tse ngata tse kholo . . . Molimo a u hlohonolofatse, ntate. E, mohlomong o sebelitse matsatsi a mangata a thata bophelong ba hau, le uena, 'me oa holisa ngoana e monyenyanane. 'Mè, uena ea lutseng pel'a hae. Oho Molimo! Mohlomong u holisitse lelapa la hau 'me oa etsa lintho tse ngata tse kholo ho pholla marama a leseanyana ha le ne le lla, ho kolokotehisa bethe ka matsohoana a hau a macha, joale a tsofetse a fokola. E ka 'na eaba u ile ua koietsa lesea 'me ua etsa lintho tse ngata tse molemo, empa ntho e khabane eo u kileng e etsa e ne e le ha u ne u phahamisa letsoho la hau lekhateng leo. O u bone. Nts'oarele hle.

²⁴² Ntata rona ea Maholimong, U bone matsoho. U tseba se neng se le ka mora ona. Joale ke likhau tsa kopano ena. Ke likhau tsa Molaetsa. U itse, "Bohle bao Ntate a 'Neileng bona ba tla tla ho 'Na, 'me ha ho ea ka tlang a sa huloe ke Ntate oa Ka pele." 'Me U buile le batho bana. 'Me ba ne ba lutse mono, 'me ho latela mahlale ba sitiloe. . . matsoho a bona a tlameha ho lula a

lepeletse, hobane khoheli e a hulela fatše. Empa a robile a hanela melao ea mahlale. Ba ruile Moea ka ho bona o phahamisitseng letsoho, hoo ho khahlano le mahlale, hobane Moea o ka mono o ka pshatla mahlale. 'Me ba phahamisitse letsoho la bona hobane Moea oa Molimo o ne o ba teetse hare, o itseng "U a . . . u hloka Kreste." 'Me ba phahamisitse matsoho a bona, "Nkhopole, oho Morena."

²⁴³ Joaloka lesholu le shoang sefapanong, le itse, "U nkhopole ha U kena 'Musong oa Hao."

²⁴⁴ Mme U ile oa reng ho eena? "Kajeno u tla ba le 'Na Paradeising."

²⁴⁵ 'Me kea rapela, Ntate, hore letsatsing lona lena U tle u kenye 'Musong oa Hau, kopanong ea Hau mona lefatšeng, e mong le e mong oa balumeli bana, le ho ba mosa ho bona. Jesu, U boletse, mohla U ne u le lefatšeng mona, ho Santa Johanne 5:24, "Ea utloang Mantsoe a Ka 'me a lumela ho Ea Nthomileng, o na le Bophelo Bosafeleng; 'me ba ke ke ba tla kahlolong, ba ke ke ba ba teng mohla kahlolo e otlang lefatše, empa ba tlohile lefung ho kena Bophelong." U e tšepisitse, Morena. Ke a ba tseka. 'Me joale ho bohle ba phahamisitseng matsoho a bona, esita le bao ba lumetseng pelōng ea bona hore ba tlamehile, 'me ba sa etsa joalo, ke ba neela Uena hoseng hona, Ntate, e le likhau tsa mohau oa Jesu Kreste le tsa Lentsoe la Hae leo re le ririleng hoseng hona. Ke ba Hau. Ba boloke ba bolokehile, Morena, ho fihlela tsatsi leo. 'Me ba ke ba hole joaloka masea. Metsi a letšeng a ba fumane, ba sa ipoletse libe tsa bona, ba eshoa, ba patuoe ka ho Kreste, ho tsoetsoa bophelong bo bocha, ho tsamaea lefatšeng le lecha, ho tsamaea le bakhotsi ba bacha, ho tsamaea le sehlopha se secha, ho tsamaea le mangeloi, ho tsamaea ka pel'a Sefahleho sa Mohlolo. Lintho tseo ba sa li boneng mathokong a bona, empa ba utloa 'me ba tseba hore li teng mono. Tseo ke lintho tse tieang tsa kamehla, Mohlolo ke ntho e tieang. Re ba neela Uena Ntate, ka Lebitso la Jesu. Amen.

²⁴⁶ Joale, ke masoabi ho le tšoarella haleletsana, 'me ke kholoa le . . . Na le thabile? Joale, kopano, ka linako tse ling ke tlameha ho khaola le ho hatella. Joale ho lona ba phahamisitseng matsoho a lona 'me le lumela ho Morena Jesu, ba tla tšoara tšebeletso ea kolobetso, kea kholoa, bosiuung bona. Kapa, e, ke kholoa matša a tlatsitsoe ha u a batla hona joale, le liaparo le lintho li lokile. Ha u lakatsa ho kolobetsoa hona joale, nako efe, re mona feela ho e etsa. 'Me joale ka mora ho seha le ho hlaba . . .

²⁴⁷ Re—re a le leboha lona baeti ba menyako ea rona, ho tla kopanela le rona hoseng hona ho pota Lentsoe la Molimo, re ananela ho tla ha lona. Morena a le hlohonolofatse. Ke thabetse ha le ne le le teng mona.

²⁴⁸ Ke bona motsoalle oa ka a lutse motšeo ho moaho mona, ke qetitse khale ho 'mona. Ha ke tsebe le lebitso la moshanyana.

Ke motsoalle oa ka ea lokileng. Ke motsoala oa ngoanana eo nkileng ka tsamaea le eena, Marie Francisco. Ha ke hopole hore ke mang kapa lebitso la hae. Na u ka phahamisa letsoho la hau? Re thabetse ha u lutse mono 'me Molimo a u hlohonolofatse. Moshanyana eo ebile Mokreste ka lilemo tse ngata. 'Me ke . . .

249 Motsoalle oa ka mona, Jim Poole, ke ba bakae ba nkutloileng ke bitsa Jim Poole, motsoalle oa boshanyana, mora oa hae le mosali.

250 'Me Donny, ha ke hopole lebitso la hae la ho qetela. Gard—Gard, Donny Gard le mohatsa'e ea ratehang mona. Ba ne ba le lapeng maobane ho nketela. Ke thabetse ho ba le bona hoseng hona.

251 'Me ke lumela enoa e le moena oa moeti ea lutseng hantle mona pel'a Moena Way. 'Me, oh, ka hona, hantle mona, mohlomong ke fositse, 'me ka linako tse ling ke lebala lifahleho. 'Me ke thabetse ho ba le lona bohle mona hoseng hona.

252 'Me joale, pele re tloha, ka mora ho seha . . . 'Me, le a tseba, Bible e boletse Lentsoe la Molimo . . . joaloka qeto eo, ho etsa lejoe, empa u tlameha ho fumana setei sa lejoe ho le betla, ho bopa sebopeho sa lona. Le a bona? 'Me Baheberu khaolo ea 4 e itse, "Lentsoe la Molimo le bohale le fetisa sabole e leolitsoeng ka nqa tse peli." E khaola, e a bolotsa, e khaola masalla. "Esita le moahloli oa mehopollo le merero ea pelo," Lentsoe la Molimo. 'Me Le a hlaba.

253 Joale, ho rapela feela, ha re bineng thokonyana ea ka ea khale eo ke e ratang, e 'ngoe ea likhatohatse tsa ka, "Ke a Mo rata, ke a Mo rata." Ba Mo ratang ruri ba bakae? Ha ke tsotelle haeba u le Mokreste kapa che, u re "Ke a Mo rata hoba A nthatile pele." Ha re se bineng 'moho joale, bohle 'moho.

Ke a Mo rata, ke a Mo rata
Hoba A nthatile pele
Le ho lefella poloko ea ka
Fateng sa Kalvari.

254 Na ha le rate seo? Ha re se bineng hape. Ha le etsa joalo, tsukutlana le motho ea haufi le uena ka matsoho. U se ke ua ema, ho re feela, "Molimo a u hlohonolofatse, moena," motho ea haufi le uena, ka hona uena, mang le mang o ikutloa a amohetsoe haholo. Ke kamohelo ea rona mona tabernakeleng, ho tsoa ho 'na, e mong le e mong oa lona. Ho lokile.

Ke a Mo rata, ke a Mo rata
Molimo a u hlohonolofatse, moena.
Hoba A nthatile pele
Le ho lefella poloko ea ka
Fateng sa Kalvari.

²⁵⁵ Ha re inamiseng lihlooho tsa rōna re sa se binela ka marameng. Joale ak' o Mo phahamisitse letsoho la hau, ka khutso feela. Joale, na ha A babatsehe? E.

²⁵⁶ [Moena o bua ka leleme le sele. Moena Branham o a khutsa—Mohl.] Tlhomphe ea sebele nakoana feela.

Jesu o itse, “Mehlolo e tla tsamaea le ba lumelang ke eona ena. Ba tla bua lipuo tse ncha. Ha ba ka tsoara noha kapa ba noa ntho e bolaeang, e ke ke ea ba etsa hampe, hoba kotsi kapa ho qhoma ho ke ke ha ba lematsa. Ha ba bea matsoho holima ba kulang, ba tla fola.”

U eme motsotso feela, ho bona haeba koahollo e itseng e tlela sena. Ha baeti ba le likhorong tsa rona, re emetse ho bona seo Morena a tla re bolella sona ka molaetsa ona.


[Moena o a koaholla—Mohl.] Koahollo. Amen. Ke tlhaloso ea seo monna enoa a se buileng. Ho batho mona ba sa tsebeng seo e leng sona, Ke Moea. E etsahala khafetsa tabernakeleng, ho fa batho molaetsa.

A re rapeleng.

²⁵⁷ Ntate ea Maholimong, re U leboha ka sena, ha re tsebe hore motho e mong kae-kae, hore U buile le pelo kae-kae 'me Ea boela Ea bitsa, esita le molaetseng Oa ho koala, Ea re, ho ba bitsa “bana” ba Hau, hobane U ba bitsitse, 'me mohlomong ba ne ba itokiselitse ho tsamaea ba sa U amohela. Sena, molaetsa o boela o fihla. Ka baka leo re a rapela, Ntate Ea Maholimong, hore U tle u abe kabelo e kholo ea Moea ea Hau holima motho mang. Ha U a bitsa lebitso la bona, U buile feela. 'Me ka hona, Ntate, mohlomong U e batla joalo. 'Me re a rapela feela, Ntate, thato ea Hau e abeloe motho enoa kapa batho bana, e ka bang mang, mohlomong ekaba e theohela pitsong ea ho qetela. Ke a rapela, Ntate, hore ho se be joalo, empa, hoseng hona haeba ba ka E amohela le ho lumela ka pelo eohle ea bona, hoba ba utloe Molaetsa joalokaha U buile le ho re, 'me ba ke ba U amohele ka senoelo se qethohileng, ho amohela Moea. Ba ke ba tsohe 'me ba kolobetsoe ka Lebitso la Jesu Kreste, tsoarelong ea libe tsa bona, le ho tlatsoa ka mosa ka Moea o Halalelang, le ho tataisetsoa bophelong ba tsebeletso le thabo. Ke e laeletsa ho Uena joale, Ntate, le phutheho, ka Lebitso la Jesu. Amen.

²⁵⁸ Ka linako tse ling melaetsa eo e a bua, motho e mong, ha re tsebe na ke bomang. Ka linako tse ling ba bolela hore na ke bomang, empa motho e mong ka mona eo mohlomong ea sa tsoa qala ho tloha kantle ho Eona. 'Me ha u etsa joalo, hopola, ke Moea o Halalelang o buang ka puo e nkang pululelo feela; eena ea e buileng, ke eena ea e tolokang. Joale, hopolang seo ke sa tsoa se bala, “Mehlolo e tla tsamaea le ba lumelang ke eona ena.” Le a bona, ke hara balumeli. Ha re lumele batho bohle ba loketse ho etsa joalo. Re lumela hore e tšolohela kerekeng har'a batho. Ka linako tse ling batho ba fihla mona, ba eso utloele ka ntho

e joalo pele, 'me Moea o Halalelang o theohela holim'a bona o hlahisa molaetsa, le ho folisa batho ba lutseng mono ba bolaoa ke mofetše, le maloetse a mefuta eohle le lintho, ho khutlela morao hape. Ke Moea o Halalelang hara batho ba Hae.

²⁵⁹ Le a Mo rata na? Amen. Ke a Mo rata, le 'na. Re tšepile ho le bona bosiuung bona. 'Me joale Moena Neville, ke tla fetisetsa tšebeletso ho Moena Neville, molisa oa rōna. Ho lokile. 

62-0603 BoEvangeli Ba Nako Ea Qetelo
Branham Tabernacle
Jeffersonville, Indiana U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlalisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org